

Institutes coutumières, ou
Manuel de plusieurs et
diverses règles, sentences ,
proverbes tant anciens que
modernes, du [...]

Loisel, Antoine (1536-1617). Institutes coutumières, ou Manuel de plusieurs et diverses règles, sentences , proverbes tant anciens que modernes, du droit coutumier et plus ordinaire de la France . Par M. Antoine Loisel,... 1637.

1/ Les contenus accessibles sur le site Gallica sont pour la plupart des reproductions numériques d'oeuvres tombées dans le domaine public provenant des collections de la BnF. Leur réutilisation s'inscrit dans le cadre de la loi n°78-753 du 17 juillet 1978 :

- La réutilisation non commerciale de ces contenus est libre et gratuite dans le respect de la législation en vigueur et notamment du maintien de la mention de source.
- La réutilisation commerciale de ces contenus est payante et fait l'objet d'une licence. Est entendue par réutilisation commerciale la revente de contenus sous forme de produits élaborés ou de fourniture de service.

[CLIQUER ICI POUR ACCÉDER AUX TARIFS ET À LA LICENCE](#)

2/ Les contenus de Gallica sont la propriété de la BnF au sens de l'article L.2112-1 du code général de la propriété des personnes publiques.

3/ Quelques contenus sont soumis à un régime de réutilisation particulier. Il s'agit :

- des reproductions de documents protégés par un droit d'auteur appartenant à un tiers. Ces documents ne peuvent être réutilisés, sauf dans le cadre de la copie privée, sans l'autorisation préalable du titulaire des droits.
- des reproductions de documents conservés dans les bibliothèques ou autres institutions partenaires. Ceux-ci sont signalés par la mention Source gallica.BnF.fr / Bibliothèque municipale de ... (ou autre partenaire). L'utilisateur est invité à s'informer auprès de ces bibliothèques de leurs conditions de réutilisation.

4/ Gallica constitue une base de données, dont la BnF est le producteur, protégée au sens des articles L341-1 et suivants du code de la propriété intellectuelle.

5/ Les présentes conditions d'utilisation des contenus de Gallica sont régies par la loi française. En cas de réutilisation prévue dans un autre pays, il appartient à chaque utilisateur de vérifier la conformité de son projet avec le droit de ce pays.

6/ L'utilisateur s'engage à respecter les présentes conditions d'utilisation ainsi que la législation en vigueur, notamment en matière de propriété intellectuelle. En cas de non respect de ces dispositions, il est notamment passible d'une amende prévue par la loi du 17 juillet 1978.

7/ Pour obtenir un document de Gallica en haute définition, contacter reutilisationcommerciale@bnf.fr.

F

26379

INSTITVTES

COVSTVMIERES,
OV

MANVEL

DE PLUSIEVRS ET DIVERSES

Reigles, Sentences, & Prouerbes, tant
anciens que modernes, du Droit
Coustumier & plus ordinaire
de la France.

*Par M. ANTOINE LOISEL, Advocat
en Parlement.*




F. 4501.

A PARIS,

Chez HENRY LE GRAS, au troisieme
Pilier de la grande Salle du Palais.

M. DC XXXVII.



A. E. G. L. A. L. D. B. Tout
 ainsi que nostre grand maistre
 & Docteur commun du Droict
 Romain nous enseignoit qu'il
 fauoir soigneusement aduiser aux reigles &
 principes de chacune partie d'iceluy; ainsi ay-
 ie pris peine & plaisir tout ensemble; en le
 pratiquant avec nostre Droict François, par
 l'espace de quarante ans, & plus; de remar-
 quer en nos Coustumes & vsage ce qui auoit
 apparence de reigle ou sentence: & les assem-
 blant peu à peu, les arranger en quelque meil-
 leur ordre: esperant que double profit en ad-
 uiendrait. L'un en ce qu'elles pourroient ser-
 uir & à vous & à d'autres moins experimen-
 tez d'instruction ou Institutes coustumieres
 du droict de nostre France. L'autre en ce que
 les plus scauans seroient inuitez de communi-
 quer au public, ce qu'ils en ont, ou pourront
 plus heureusement recueillir. Et qu'apres tant
 de ramas confus & incertains, l'or ne desdai-

guera point ceste simplicité d'escrire en laquelle
 nous voyons les deux Seneques, Nerace, Cae,
 Papinian, Paul, Ulpian, Pompon, Mar-
 tian, Ruffin & autres Iuriconsultes s'estre
 employez & le Prince des Medecins acquis
 un loz immortel: se trouuant aussi par fois
 icy la resolution de quelques poincts des plus
 douteux & controuuersez. Et par aduenture
 en adueniroit il vn troisieme qui surpasseroit
 de beaucoup les deux autres. Qui seroit que
 tout ainsi que les Prouinces, Duchez, Com-
 tiz, & Seigneuries de ce Royaume regies &
 gouvernees sous diuerses coustumes, se sont
 avec le temps reueues sous l'obeissance d'un
 seul Roy, & quasi de sa seule & vniue
 monnoye; ainsi en fin se pourroyent elles en-
 fin reduire à la conformité, raison, & equité
 d'une seule loy, coustume, poids & mesure
 sous l'auctorité de sa M. Vous pouuant as-
 surer que la pluspart de ce qui est icy proie-
 tte, se trouuera extraict de la source & ori-
 gine du droit ancien coustumier, & plus or-
 dinaire de ce Royaume, usage & pratique

8
d'iceluy: n'y ayant apporté que bien peu de
mien, avec l'ordre & la liaison, dont i'ay ap-
pris qu'il faut tousiours auoir grand soing.
Que si vous trouuez quelque obscurité, ou
trop grande antiquité en aucunes de ces rei-
gles; la pratique d'icelles vous les esclaircira
de plus en plus, & monstrea qu'elles seruent
grandement à la recognoissance de nostre
droict François. Comme si quelques vnes
d'icelles ne semblent, ou en effect ne sont
perpetuellement vrayes, souuenez-vous qu'il
faut du commencement tenir pour reigle ce
qui est plus vniuersel & general, ores qu'il
y ait des exceptions, & en effect, que la pre-
miere reigle de toutes les reigles est celles-cy.

N V L L E R E I G L E

S A N S F A V T E.



TITRES.

PREMIER LIVRE.

Tit. I.	D Es personnes.	pag. 1.
Tit. II.	D e mariage.	15
III.	De doüaires.	21
IV.	De vourie, main bournie, bail, garde, tutele & curatele.	29
V.	De compte.	34

II. LIVRE.

I.	De la qualité & condition des choses.	35
II.	De seigneurie & iustice.	39
III.	De seruitudes.	47
IV.	De testamens.	51
V.	De successions & hoiries.	55
VI.	De partages & rapports.	62

III. LIVRE.

I. De conventions.	64
II. De mandemens, procureurs, & entre- metteurs.	66
III. De communauté.	68
IIII. De vente.	73
V. De retraictz.	77
VI. De loüages.	86
VII. De gages & hipotheques.	88

IV. LIVRE.

I. De rentes.	92
II. De cens, lots, ventes, terrages & cham- part.	98
III. De fiefs.	103
IV. De donaisons.	123
V. De responcez.	125
VI. De payements.	126

V. LIVRE.

I. D' Actions.	129
----------------	-----

II.	De Barres & exceptions.	131
III.	De Prescriptions.	103
IV.	De Possession, Saisine, Complainte de nouvelleté, Sequestre, Recreance & maintenue.	123
V.	De preuves & reproches.	145

VI. LIVRE.

I.	De Crimes, & Gages de bataille.	126
II.	De peines & amendes.	1, 1
III.	De Jugements.	103
IV.	D'appellations.	138
V.	D'exécutions.	143
VI.	De Tailles.	144



INSTITUTES COSTUMIERES,

OV

DE PLUSIEURS ET DI-
uerses Reigles, Sentences, & Prouer-
bes du Droit coustumier & plus
ordinaire de la France.

LIVRE PREMIER.

Des personnes. TITRE PREMIER.



VI veut le Roy, si veut la
loy.

II.

Le Roy ne tient que de
Dieu & de l'espée.

A

III.

Le Roy ne meurt iamais.

IIII.

Tous les hommes de son Royaume
luy sont subiets.

V.

Au Roy seul appartient de prendre
tribut sur les personnes.

VI.

Toutes personnes sont franchises en ce
Royaume, & si tost qu'un esclauue a at-
taint les marches d'iceluy, se faisant ba-
ptiser, il est affranchy.

VII.

Et sont nobles ou roturiers.

VIII.

Les roturiers sont bourgeois, ou vi-
lains.

IX.

Nobles estoient iadis, non seulement
les extraits de noble race en mariage, ou
qui auoient esté annoblis par lettres du
Roy, ou pourueus d'offices nobles: mais

aussi ceux qui tenoient fiefs, & faisoient profession des armes.

X.

A raison dequoy il n'estoit point permis aux roturiers de tenir fief sans congé & permission du Prince.

XI.

Aujourd'huy toute personne peut tenir fiefs : aussi n'annoblissent ils point : s'il n'y auoit titre de grande dignité.

XII.

Nul ne peut annoblir que le Roy.

XIII.

Le moyen d'estre annobly sans lettres est d'estre faict Cheualier.

XIII.

Nul ne doit seoir à la table du Baron s'il n'est Cheualier.

XV.

Pauvreté n'est point vice, & ne desannoblit point.

XVI.

Longueur du temps n'estaint noblesse.

seny franchisc.

XVII.

Les nobles sont proprement sujets du Roy.

XVIII.

Les roturiers & vilains sont iusticia-
bles des seigneurs desquels ils sont cou-
chans & leuans.

XIX.

Sinon qu'il soit question d'heritages
qu'ils tiennent ailleurs , ou qu'ils soient
Bourgeois du Roy.

XX.

Droict de bourgeoisie s'acquiert par
demeure par an & iour, ou par adueu és
lieux où il y a droict de parcours & entre-
cours.

XXI.

Par quelques coustumes la verge an-
noblit, & le ventre affranchit.

XXII.

Naturellement les enfans nez hors
mariage suivent la condition de la mere.

XXIII.

En mariage legitime ils suiuent la condition du pere.

XXIII.

Et en for mariage, le pire emporte le bô.

XXV.

L'adueu emportoit l'homme, & estoit iusticiable de corps & de chastel où il couchoit & leuoit: mais par l'ordonnance du Roy Charles I X. les delicts sont punis où ils sont commis.

XXVI.

Le vilain ou roturier estoit semond du matin au soir, ou du soir au matin: Au noble, il falloit quinzaine.

XXVII.

D'un vilain, autre que le Roy ne peut faire Cheualier.

XXVIII.

Car vilain ne sçait que valent espons.

XXIX.

Moult plus est tenu le franc homme

à son seigneur par l'hommage & honneur qu'il luy doit, que n'est le vilain pour ses rentes payant.

X X X.

Oignez vilain il vous poindra: Poignez vilain, il vous oindra.

X X X I.

Sergent à Roy est pair à Comte.

X X X I I.

Le sous-aagén'a ny voix ny respons à Court.

X X X I I I.

L'aage parfaict estoit à quatorze ans, par l'ancienne Coustume de la France.

X X X I I I I.

Femmes ont voix & respons en Court, & li reçoivent mises & arbitrages.

X X X V.

Comme femme franche est annoblie par son mary, mesmes pendant son veufage, aussi femme noble est faicte roturiere par son mary.

X X X V I.

Droict de puissance paternelle n'a lieu.

X X X V I I.

Feu & leu font mancipation ce dict
Brassas : & enfans mariez , sont tenus
pour hors de pain & pot, c'est à dire
emancipez.

X X X V I I I.

Enfans de famille, & femmes mariees
sont tenuës pour auctorisez de leurs peres
& maris en ce qui est du faict des mar-
chandises dont ils s'entremettent au sceu
de leurs peres & maris.

X X X I X.

Enfans nais avant le mariage , mis
sous le poille sont legitimez.

X L.

Quelques coustumes dient qu'un ba-
stard , depuis qu'il est nay est entendu
hors de pain : mais l'on iuge que qui fait
l'enfant le doit nourrir.

X L I.

Bastards peuvent acquerir & disposer
de leurs biens, tant entre vifs, que par
testament.

XLII.

Maistre Martin Doublé, tenoit que bastards ne pouuoient receuoir laigs de pere, ny de mere: Ce qui se doit entendre de laigs excédant leur nourriture.

XLIII.

Bastard aduoüé, retenoit le nom & la noblesse de la maison de son pere, avec les armes d'icelles barrees à gauche: Mais par l'Ordonnance du Roy Henry le Grand, il leur faut lettres.

XLIII.

Bastards ne succèdent point ores qu'ils soient legitimez, si ce n'est du consentement de ceux qui y ont interest.

XLV.

Aussi personne ne leur succede, sinon leurs enfans nez en loyal mariage.

XLVI.

En defaut d'enfans, leur succession appartient au Roy, ou aux seigneurs hauts iusticiers en la terre desquels ils sont nez, domiciliez, & decedés,

XLVII.

En dispense de bastard ceste condition est tousiours entendüe s'il est né de femme franche.

XLVIII.

Aubains sont estrangers qui sont venus s'habituer en ce Royaume, ou qui en estans natifs s'en sont volontairement estrangez.

XLIX.

Aubins ne peuvent succeder ny tester que iusques à cinq sols, & pour le remede de leurs ames.

L.

Bien peuvent-ils acquerir & disposer de leurs biens entre vifs.

LI.

S'ils ne laissent des enfans nés, & demeurans au Royaume, ou d'autres parens naturalisez & y demeurans, le Roy leur succede.

LII.

Et non autres seigneurs, s'ils n'y sont

fondez en tiltre, & permission expresse du Roy.

LIII.

Ny pareillement leurs parens naturalisez tant qu'il y en a de regnicoles, ores que plus esloignez en degré.

LIII.

Aubins ne peuvent tenir offices, ny benefices, fermes du Roy, ny de l'Eglise.

LV.

Le tout s'ils ne sont naturalisez par lettres du Roy verifiees en la chambre des Comptes.

LVI.

Gens d'Eglise, de Communauté & morte main peuvent acquérir au fief seigneurie, & censive d'autrui: mais ils sont contrainables dans vuider leurs mains dans l'an & iour du commandement à eux faict apres l'exhibition de leur contract.

LVII.

Après l'an ils n'y peuvent estre con-

traints, mais sont tenus en payer indemnité au seigneur & prendre admortissement du Roy.

LVIII.

Nul ne peut admortir que le Roy.

LIX.

L'admortissement de ce qui est tenu immédiatement du Roy : s'estime coutumièrement à la valeur du tiers de la chose.

LX.

Ce qui est tenu médiatement d'autrui ne s'estime pas tant, d'autant qu'outre ce, il faut payer l'indemnité au seigneur.

LXI.

Le droit d'indemnité du seigneur s'estime au tiers, cinquiesme, ou sixiesme de la valeur de la chose censuelle.

LXII.

Car quant à ce qui est tenu en fief, il en faut bailler homme vivant, & mourant, voire confisquant au seigneur haut iusticier.

LXIII.

Par la mort duquel vassal est deu plain rachapt.

LXIII.

Droict d'indemnité est personnel, & n'est deu qu'une seule fois.

LXV.

Tenir en main-morte, franc alleu, ou franc aumosne est tout vn en effect.

LXVI.

Mais l'Eglise, & autres communautéz tiennent en main-morte, & les particuliers en franc alleu, ou franc aumosne.

LXVII.

L'un ne l'autre ne doiuent seruice, censive, ny redevance : Mais sont tenus bail-
ler par declaration au Roy ou à leur sei-
gneur Suzerain & Iusticier.

LXVIII.

Terre sortant de main-morte, rentre en la sujection de feodalité, ou censive,

LXIX.

L'Eglise n'a ny fisc ny territoire.

L X X.

Il y a des fiefs & main-mortes de corps & de meubles, & autres d'heritages.

L X X I.

Le serf ne succede poinct au franc, ny le franc au serf.

L X X I I.

Auant qu'un serf manumis par son seigneur soit franc, il faut qu'il paye finance au Roy.

L X X I I I.

Serfs ou main-mortables ne peuvent tester : & ne succedent les vns aux autres, sinon tant qu'ils sont demeurans en commun.

L X X I V.

Car le plus souuent, vn party, tout est party : & le chateau part le vilain.

L X X V.

Le feu, le sel, & le pain partent l'homme morte-main.

L X X V I.

Argent rachapte morte-main.

LXXVII.

Serf ou homme de mainmorte ne peut estre fait Cheualier.

LXXVIII.

Ny prestre sans le congé de son seigneur.

LXXIX.

Et l'estant, n'est point deschargé de rien, fors des coruées de son corps.

LXXX.

La femme serue n'est annoblie par son mary.

LXXXI.

Le seigneur a droict de suite, & de formariage sur ses serfs.

LXXXII.

Vn seul enfant estant en celle requiest la mainmorte.

LXXXIII.

Les droicts de seruitude sur prisonniers de guerre n'ont lieu en Chrestienté, & peuuent tester.

De Mariage. TIT. II.

I.

FILLE fiancée n'est prise ny laissée.
Car tel fiance qui n'espouse point.

II.

Les mariages se font au ciel & se consomment en la terre.

III.

On dict communement , qu'en mariage il trompe qui peut , qui procede de ce que nos Maistres nous apprennent que *dolus dan causam contractui matrimo-
nij non reddit illum ipso iure nullum.*

III I.

Et neantmoins toutes contre lettres y sont defenduës.

V.

Enfans de famille ne se peuuent marier sans le congé de leurs peres & meres s'ils ne sont majeurs les fils de trente aus, & les filles de vingt cinq , sur peine de

pouuoir estre desheritez.

V I.

L'on disoit boire , manger , coucher ensemble, c'est mariage ce me semble. Mais il faut que l'Eglise y passe.

V I I.

Hommes & femmes mariez sont tenus pour emancipez.

V I I I.

Qui espouse le corps , espouse les debtes: sinon qu'il soit autrement conuenue, & à ceste fin faict inuentaie.

I X.

Et sont les mariez communs en tous biens meubles & conquests immeubles du iour de leur benediction nuptiale.

X.

A laquelle commuauté les veufues nobles de ceux qui mourroient au voyage d'outre mer, eurent priuilege de pouuoir renoncer : Et depuis en general toutes les autres.

X I.

Ce qui a depuis esté estendu iusques
aux

aux roturiers, par l'auctorité & inuention
de maistre Iean Iaques de mesme.

XII.

Le mari ne pouuant directement, ny
indirectement obliger les propres de sa
femme.

XIII.

Ladite renontiation se doit faire dans
les quarante iours: le terme de quarante
iours & quarante nuits estant de l'ordi-
naire des François.

XIV.

Car ce qui se disoit iadis, que le mary
se deuoit releuer trois fois la nuit pour
vendre le bien de sa femme, a finalement
esté reprouué par plusieurs Arrests &
Coustumes modernes.

XV.

L'on ne peut plus honnestement ven-
dre son heritage qu'en constituant vn
grand dot à sa femme.

XVI.

Le mary est maistre de la communauté

té, possession & iouyſſance des propres de ſa femme, & non de la propriété d'iceux.

XVII.

Car quant à ce qui concerne la propriété des propres de la femme : il faut que tous deux y parlent ſelon la couſtume de la France, remarquée par Iean Faure.

XVIII.

Debt de propres de la femme alienez eſt de communauté.

XIX.

Encores ne peut il diſpoſer des biens de la communauté au profit de ſon heritier preſumptif, ny par teſtament au prejudice de ſa femme.

XX.

Femmes franches ſont en la puissance de leurs maris, & non de leurs peres.

XXI.

Ne peuuent contracter, ny eſter en iugement ſans l'auctorité d'iceux. Mais bien diſpoſer par teſtament : Comme en

pays de droict escript, sans l'auctorité de leur pere.

XXII.

Vn mary mineur peut auctoriser sa femme majeure, sans qu'elle s'en puisse faire releuer : mais bien luy.

XXIII.

Si le mary est refusant de les auctoriser, elles seront auctorisées par iustice, & le iugement qui interuiendra contre elles, executé sur les biens de la communauté, icelle dissoluë.

XXIV.

Femme separee de biens, auctorisee par iustice peut contracter & disposer de ses biens, comme si elle n'estoit mariee.

XXV.

Donation en mariage, ny concubinage ne vaut.

XXVI.

Mais mary & femme n'ayans enfans se peuuent entre-donner mutuellement,

pourueu dient quelques coustumes, qu'ils soient incls ou egaux en santé, aage & cheuance.

XXVII.

Don mutuel ne faist point.

XXVIII.

Feu Monsieur le Premier President le Maistre a releué ce prouerbe. Qu'il n'y a si bon mariage qu'une corde ne rompe.

XXIX.

Le mary faict perdre le dueil à sa femme, mais non la femme au mary.

XXX.

Femme veufue renonçant à la communauté iettoit iadis sa ceinture, sa bource & ses clefs sur la fosse de son mary: maintenant il faut renoncer en iustice, & faire inuentaire.

XXXI.

Si elle recelle, ou destourne, la renonciation qu'elle fera ne luy profite, ains sera tenue aux debtes, comme commune, & si perdra sa part au recelé ou destourné.

XXXII. *est orfèvre.*

Morte ma fille, mort mon gendre.

XXXIII.

Femme veufue porte le deuil aux despens de son mary.

~~un de la mort de son mary.~~Des Douaires. *Titre de luy.**est un de la mort de son mary.*

ADIS femme n'auoit douaire fors le conuenancé au mariage par ces mots. Et du douaire te doüe qui est de uous entre mes amis & les tiens. De puis par l'establisement du Roy Philippe Auguste de l'an deux cens quatorze, rapportee par Philippes de Beaumanoir, celle a esté doüee de la moitié de ce que l'homme auoit lors qu'il l'espousa fors en la Couronne, Comtez, & Baronniës tenuës d'icelle, & en quelques donjons & fortresses.

III.

Et pareillement de la moitié de ce qui luy eschet en ligno directe, descendant pendant le mariage, selon l'ancien aduis

de Maistre Eude de Sens, receu contre l'opinion de quelques autres coustumiers.

III.

Car si le mary n'estoit de rien saisi, & que son pere ou ayeul qui tenoient la terre y furent presens ou consentans, la femme aura tel doüaire sur tous leurs biens apres leur mort que si son mary les eust suruésu.

III.

Maistre Iean Filleul disoit qu'aucun doüaire n'estoit tenable quand il surpasseit la moitié du vaillat de celuy qui doüe.

V.

Au coucher gaigne la femme son doüaire, ou plüstost de lors de la benediction nuptiale.

VI.

Iamais mary ne paya doüaire.

VII.

Toutes fois s'il estoit forbanny ou confisqué ou ses heritages saisis & vendus de son viuant, on se peut opposer.

VIII.

La doüairiere s'opposant aux crices de l'heritage sur lequel elle a doüaire faict qu'on le doit vendre à la charge d'iceluy sans qu'elle soit tenuë en prendre l'estimation.

IX.

Si ce n'estoit vne maison fise à Paris decretee pour rentes deuës sur icelle, selon l'ordonnance du Roy Charles septieme.

X.

Doüaire coustumier saisi.

XI.

Doüaire prefix ou conuenancé ne faisoit point, & se deuoit demander en iugement : Ce qui commence à se corriger quasi par tout.

XII.

Femme qui prend doüaire conuenancé se priue du coustumier.

XIII.

Doüaire en meubles retourne aux hoirs

du mary apres le decceds de la femme: si non qu'il soit accordé sans retour.

XIIII.

Ladis femme ne prenoit doüaire sur ce où elle auoit don où assignat.

XV.

Don naturel n'en pesche point le doüaire.

XVI.

Femme ne peut renoncer à son doüaire non acquis si elle n'en a esté recompensée ailleurs: mais bien à doüaire ja escheu.

XVII.

Doüaire coustumier ne laisse d'estre deu, ores que la femme n'ait rien apporté.

XVIII.

Doüairiere doit entretenir les lieux de toutes reparatiósviageres, qu'on dit d'entretienement; contribuer au ban & arriere-ban, & payer les autres charges & rentes foncieres ordinaires: mais non les cónstituees pendant le mariage: celles d'au-

parauant diminuans autant le doüaire.

XIX.

L'heritier du mary doit releuer l'heritage sur lequel la femme prend doüaire, & chacun d'eux y est condemnable pour le tout, sauf son recours contre ses coheritiers.

XX.

Doüaires ont taifible hypothèque & nantissement.

XXI.

La veufue peut contraindre l'heritier luy bailler son doüaire à part, & l'heritier elle de le prendre.

XXII.

La doüairiere lottit, & l'heritier choisit.

XXIII.

Doüaire propre aux enfans est vne legitime coustumiere prise sur les biens de leur pere par le moyen & benefice de leur mere.

XXIV.

Lequel accroist aux enfans du maria-

ge quand l'un d'eux decede du vivant du pere.

XXV.

Mais s'il decedoit apres la mort du pere, tous les enfans y succederoient, ores qu'ils ou aucuns d'eux fussent d'un autre liect, & à faute d'enfans les autres heritiers paternels.

XXVI.

Que si tous les enfans decedent avant le pere, leur droit de douaire est esteint,

XXVII.

Pendant les vies du pere & des enfans, nul d'eux ne le peut aliener ny hypothéquer au preiudice les uns des autres.

XXVIII.

En douaire n'y a droit d'aisnesse.

XXIX.

Tout ce qui se compte en legitime, se compte en douaire.

XXX.

On ne peut estre heritier & douairier.

XXXI.

Celuy des enfans qui se porte heritier

du pere faiet part pour diminuer d'autant le douaire des autres, parce qu'en ce cas n'y a lieu d'accroissement.

XXXII.

Douaire sur douaire n'a lieu, de sorte que quand l'homme est marié plusieurs fois, le secôd douaire n'est que du quart, & le troisieme de la huitiesme partie des biens subiects à iceluy.

XXXIII.

Mais à mesure que les premiers finissent semble raisonnable que les autres s'augmentent selon leur ordre.

XXXIV.

S'augmentent aussi lesdits derniers douaires en ce qu'ils se prennent sur les acquets faiets pendant les premiers mariages, & depuis.

XXXV.

Le douaire qui est propre aux enfans ne se prescrit encontr'eux du viuant de leur pere, & n'en commence la prescription que du iour de son deceds.

XXXVI.

Tant que la femme & les enfans vivent le douaire est en incertitude, & s'appelle douaire esgaré.

XXXVII.

La douairiere gaigne les fructs si tost qu'ils sont perceus, & son heritier les perd si elle decede auparauant.

XXXVIII.

Femme qui forfait en son honneur perd son douaire, s'il y en a eu plainte par le mary. Autrement l'heritier n'est receuable d'en faire querelle.

XXXIX.

Femme se remariant, ne doit perdre son douaire.

*De Voirie, Main-Bournie, bail, garde,
tutelle & curatelle. TITRE IIII.*

I.

Bail, garde, main-bour, gouverneur, legitime, administrateur & regent, sont quasi tout vn, combien que iadis, & encores en aucuns lieux garde se dit en ligne directe, & bail en collaterale.

II.

Les enfans sont en la voirie & main-bournie de leurs pere ou mere soient francs ou serfs, maieurs ou mineurs.

III.

Le mary est bail de sa femme.

IIII.

Il n'accepte garde, ny bail, qui ne veut.

V.

Tuteur & curateur n'est qu'un.

VI.

Les tuteles sont datiuces.

VII.

Toutesfois quant par le testament y a tuteur nommé, il doit estre confirmé, si les parens n'alleguent cause legitime que le deffunct eust vray-semblablement ignoré.

VIII.

Les baillies ou gardes sont coustumières.

IX.

Le mineur n'a bail ny tutelle d'autrui.

X.

Gardiens & baillistres sont tenus faire visiter les lieux dont ils iouissent, à fin de les rendre en bon estat.

XI.

Qui bail ou garde prend, quitte le rend.

XII.

Par l'ancienne coustume de France les gardiens ou baillistres ny les nobles mineurs de vingt ans, & les non nobles de quatorze ne pouuoient intenter, ny estre contraincts de defendre en action peti-

toire de ce dont ils estoient saisis, comme heritiers. Ce qui fut corrigé par l'ordonnance du Roy Philippes de Valois, de l'an 1330. en les pouruoyant à ceste fin de curateurs.

XIII.

Bail se reigle le plus souuent selon les successions, & se donne coustumieremēt à ceux qui sont plus proches du costé dont le fief vient.

XIV.

En vilainie, cotterie, ou roture, n'y a bail.

XV.

En pareil degré l'aîné sera préféré aux autres.

XVI.

Les baillistres qui entrent en foy en leurs noms, la reçoient aussi des vassaux de leurs mineurs, & en prennent les rachapts.

XVII.

Garde doit rachapt & finance pour

les fiefs dont il faict les fruiets siens.

XVIII.

Relief de bail se paye toutesfois & quantes qu'il ya nouveaux bailliftres.

XIX.

Tuteurs & curateurs n'entrent point en foy, aussi ne doiuent ils point de rachat, ains demandent souffrance pour leurs mineurs, laquelle leur doit estre accordée: Mais peuuent receuoir l'hommage des vassaux.

XX.

Bailliftres ny tuteurs ne reçoient adueu, & ne les baillent.

XXI.

Bail ou garde ne se peut transporter à autrui.

XXII.

Bail ou garde se pert par mes-vfage, ou quand le gardien se remarie, & finit par la maiorité ou deceds du mineur.

XXIII.

La maiorité en ce cas est aux mâles à quatorze,

quatorze, quinze, dix-huit, & vingt ans, selon la diuersité des Coustumes: mais en ce qui concerne l'alienation de l'immeuble, elle se doit prendre à vingt cinq ans.

XXIII.

Si le baillistre rend la terre à son mineur avant son aage, les hommes ne luy feront point hommage s'ils ne veulent: Comme aussi son seigneur ne l'y receura point s'il ne luy plaist.

XXV.

Tuteurs & baillistres doiuent incontinent faire inuentaire des meubles & tilz tres des mineurs.

XXVI.

Inuentaives peuuent estre faictz à la queste de ceux qui y pretendent interest.

XXVII.

Et par nos Coustumes se faisoient par les Notaires & Tabellions, selon ce qui est remarqué par Jean Faure.

De Compte. TIT. V.

I.

NVL ne reçoit la chose d'autrui qu'il n'en doive rendre compte.

II.

Tuteurs & autres subiects à compte, doivent faire & recepte & despense entiere, les iustifier & payer le reliqua.

III.

En compte n'y a point de prouision.

III.


Qui compte seul, compte deux fois, comme celui qui conte sans son hôte.

V.

Comptes se rendent aux despens de l'oyant, mais le rendant les auance.

VI.

Vice ou erreur de calcul & de compte se purge en tout temps, qui est ce qu'on dict, A tout bon compte reuenir.



LIVRE II.

De la qualité & condition des choses.

TITRE I.

I.


Tous biens sont meubles ou immeubles.

II.

Immeubles sont biens aleuds, amortis, feodaux, roturiers, tenus à droictures, cés & rentes foncières, & constitues, baux d'heritages à emphyteuse & longues années, ou à faculté de rachapt, usufruit, douaire, & autres choses qui rendent revenu legitime.

III.

Or & argent monnoyé & à monoyer, & tout ce qui se peut transporter de lieu en autre, noms, raisons, & actions pour choses mobilières sont meubles.



Pagination incorrecte — date incorrecte

III.

Deniers destinez pour achat, ou procedant de vete d heritage, ou de rachats de rentes & r'employables, sont reputez immeubles, mesmement en faueur de femmes contre leurs maris, & de mineurs contre leurs tuteurs.

V.

Fruits pendans par les racines sont immeubles.

VI.

Toutesfois en beaucoup de lieux foins à coupper apres la my-May, bleds & autres grains apres la saint lean, ou qu'ils sont noüez, & raisins à la my Septembre sont reputez meubles.

VII.

Poissons qui sont en estangs apres trois ans, ou la bonde estant leuee ou mis en huches sauuouërs ou reseruouërs sont meubles : autrement sont reputez immeubles comme faisant partie de l'estang.

VIII.

Ce qui tient à fer, plomb, clou, ou cheuille, est réputé immeuble.

IX.

Grandes cuues, & autres gros vstanciles qui ne se peuuent des assembler ny transporter sans incommodité: moulins tournans à vent ou à eau sur bateaux, ou autrement: pressouërs & artilleries, sont tenus pour immeubles.

X.

Comme aussi sont les principales bagues & ioyaux, reliques & liures des maisons des Princes & hauts Barons.

XI.

Meubles ne tiennent cote ny ligne.

XII.

Le meuble suit le corps, & l'immeuble le lieu où il est assis.

XIII.

Tous biens sont réputés acquis, s'il n'appert du contraire.

XIV.

L'acquest du pere est le propre de l'enfant.

XV.

L'heritage escheu par succession, legs, ou donation sortit nature de propre, quand l'heritier, ou donataire, deuoit succeder à celuy dont il procede.

XVI.

Heritage eschangé est de pareille nature qu'estoit le contre-eschange.

XVII.

Terre sans hebergement n'est que de demie reuenüe. Et terre cheuauchee est à demy mangée.

XVIII.

Tenir en franc alleu est tenir de Dieu tant seulement, fors quant à la iustice.

De Seigneurie & Justice. TIT. II.

I.

NULLE terre sans seigneur.

II.

Tous biens sont communs , & n'y a
moyens que de les auoir : mais il faut
qu'ils soient legitimes.

III.

Car tout fut à autrui & à autrui sera.

III.

Par la Coustume de France , le Roy
& les autres Seigneurs du Royaume sont
Seigneurs temporels des Eueschez , &
non les Euesques.

V.

Les grands chemins & riuieres nauiga-
bles appartiennent au Roy.

VI.

Les petites riuieres & chemins sont
aux seigneurs des terres , & les ruisseaux
aux particuliers tenanciers.

VII.

La seigneurie des seigneurs s'estend iusques aux bords des grandes riuieres : & des sujets tenanciers iusques aux petites.

VIII.

Grosses riuieres ont pour le moins quatorze pieds de largeur, les petites sept, & les ruisseaux trois & demy.

IX.

La riuere oste & donne au haut iusticier : mais motte ferme demeure au propriétaire tres-foncier.

X.

On ne peut tenir riuere en garenne ou deffence, s'il n'y a tiltre ou prescription.

XI.

La garenne est de defence tant pour la chasse que pour le pascage.

XII.

Ille est au seigneur haut iusticier en la iustice duquel elle est plus prés, en égard

au fil de l'eau.

XIII.

Nul ne peut bastir coulombier à pied, asseoir moulin, ny bonde d'estang, ny fouiller en terre pour y tirer minieres, metaux, pierre ou plastre, sans le congé de son Seigneur, si ce n'est pour son vſage.

XIV.

Terres qui sont aux issuës des villes, bourgs & villages, ne sont defensables si elles ne sont bouchees.

XV.

Car, Qui ferme ou bouche, empesche, garde, & defend : & pour neant plante qui ne clost.

XVI.

Vignès, iardins & garennes sont defensables en tout temps.

XVII.

Bois taillis sont defensables iusques à quatre ans & vn May, & ceux qui en achaptent en doiuent faire la coupe dans le premier May, & la vuidange dans la

Magdelaine ensuiuant.

XVIII.

Prés sont defensables depuis la my-Mars iusques à la Toussaincts, ou que le foing soit du tout fenné & enleué.

XIX.

En nul temps on ne peut mener porcs en pré.

XX.

Vaines pastures ont lieu de clocher à clocher : mais les grasses n'appartiennent qu'aux communiers de la parroisse,

XXI.

Toutes accreuës sont réputées vaines pastures.

XXII.

Bestes blanches peuvent estre menées si loing qu'on veut, pourueu qu'elles retournent de iour au giste, en leur finaigo,

XXIII.

Nul ne peut auoir droict d'vsage, ou pasturage, en seigneurie ou haute iustice d'autrui, sans tilre, ou sans en payer re-

deuance par temps suffisant, pour acquérir prescription, ou qu'il y ait possession immémoriale.

XXIV.

Simple vsage en Forest n'emporte que mort bois, & bois mort.

XXV.

On ne peut tendre ny thesurer en autrui domaine.

XXVI.

Le seigneur de fief faisant construire estang ou garenne y peut enclorre les terres de ses subiets en les recompensant preallablement.

XXVII.

Bornes se mettent par auctorité de Iustice.

XXVIII.

Le pied saisit le chef.

XXIX.

Le bois acquiert le plain.

XXX.

Bois est reputé haute fustaye, quand

on a demeuré trente ans sans le couper.

XXXI.

En moulins bannaux qui premier vient, premier engraine.

XXXII.

Mais apres auoir attendu vingt-quatre heures, qui ne peut à l'un s'en aille à l'autre.

XXXIII.

La banlieuë est estimee à deux mille pas, chacun vallant cinq pieds : ou à six vingts cordes, chacune de six vingts pieds.

XXXIV.

Droict de mousture est, que les muni-
niers doiuent rendre du rez le comble, ou
de douze, treze ou quatorze combles ou
pallez.

XXXV.

Qui prend bestes en dommage, ne les
peut retenir, ains les doit mener en Iusti-
ce dans vingt-quatre heures.

XXXVI.

Les disnes appartiennent aux Curez,

s'il n'y a tiltre ou possession au contraire.

XXXVII.

Coustumierement en dismeries d'Eglise n'y a point de suite, mais bien en patrimoniales.

XXXVIII.

Dismes layes infeudees sont pures patrimoniales, & se gouuernent en tout & partout comme fiefs.

XXXIX.

Terres & choses decimales tenus en fief ne sont non plus affranchies de dismes spirituelles, que sont les autres domaines.

XL.

La iustice est patrimoniale.

XLI.

Tous sieurs iusticiers doiuent la iustice à leurs despens.

XLII.

Fief, ressort, & iustice n'ont rien de commun ensemble.

XLIII.

Il y a iustice haute, moyenne, & basse.

XLIV.

Donner poid & mesures, tuteurs & curateurs, faire inuentaie & partages sont exploits de moyenne iustice.

XLV.

Pillorry, eschelle, quarquant, & peintures de champions combatans en l'Auditoire, sont marques de haute Iustice.

XLVI.

L'ancien coustumier porte que nul ne peut auoir Pillory en ville où le Roy en ait, mais seulement eschelle ou carquant.

XLVII.

Donner asseurement, ou congé d'ourir terre en voye publique sont exploits de haute Iustice.

XLVIII.

Biens vacquans, terres hermes, & espaves appartiennent au haut iusticier.

XLIX.

Quia fief, a droict de chasse.

L.

Le Roy applique à soy la fortune & treuve d'or.

L I.

Quant aux autres trefors mucez d'ancienneté, le tiers en doit appartenir au haut iusticier, le tiers au seigneur tres-foncier, & le tiers à celuy qui les a trouuez.

L II.

Mais si le propriétaire du lieu les trouue en son fonds, il doit partir par moitié avec le haut iusticier.

Des Servitudes. TIT. III.

I.

EN villes tout mur est metoyen s'il n'appert du contraire.

II.

La marque du mur metoyen est quand il est chapperonné, ou y a fenestre des deux costez.

I I I.

En mur moitoyen il est loisible d'auoir fenestres sur son voisin , à verre , & fer dormans à neuf pieds de hauteur , du rez dechaussée , & à sept pieds des autres estages : mais aussi est-il loisible au voisin les estoupper en se seruant du mur , & rembourfant son voisin de la moitié d'iceluy , selon son heritage.

I I I I.

En mur propre encore plus , & sans que le voisin le puisse estoupper , ny s'aider d'iceluy , mais peut bastir contre , sur son fonds.

V.

Vn voisin peut contraindre l'autre de se clorre , en ville de murailles & autres cloisons , iusques à neuf pieds , & és villages de hayes vives.

V I.

Si le voisin n'y peut contribuer , il sera quitte en baillant autant de sa place que sa part pourroit couster , ou en renonçant

çant à la communauté du mur.

VII.

Le fossé appartient à celuy sur lequel est le reiect. Car, qui douvea, si a fossé.

VIII.

La haye vifue, buisson terre, ou borne estans entre pré & terre, vigne, ou bois sont reputez estre du pré, & non de la terre, vigne ou bois.

IX.

Si aucun a iardin ou terre labourable, citable, cheminee, ou ayances contre mur metoyen, il y doit faire contre-mur, & s'il y a four forge doit laisser demy-pied d'interualle vuide.

X.

Si vne maison est diuisee en telle sorte que l'un ait le bas, & l'autre le haut, chacun est tenu d'entretenir ce qui est à foy.

XI.

Nul ne peut auoir entree, issue, glaçoir, cuier, esgoust, ou goustiere, sur son voisin, s'il n'a tiltre.

XII.

Destination de pere de famille vaut tiltre.

XIII.

S'il est besoin de couvrir vn toit & d'oe l'eau doit tomber sur son voisin, il est aussi tenu de bailler place pour le tour de l'eschelle,

XIV.

Nul ne peut faire goutiere sur rue plus bas que de vingt-deux pieds & demy.

XV.

Ceux qui bastissent aux villes peuuent tenir leurs materiaux deuant leurs maisons, pourueu qu'ils laissent espace d'vn costé de la rue pour y passer les chariots.

XVI.

Si quelques terres sont tellement enclauées dans celles d'autrui, qu'on ny puisse entrer sans passer dedans, on le peut faire sans aucun dommage.

Des Testamens & executions d'iceux.

TITRE IV.

I.

EN TRE testament & codicile n'y a point de difference.

II.

Vn Curé ou son Vicaire general peut receuoir testament, en presence de deux tesmoins: mais il faut qu'il soit signé du testateur & desdits tesmoins, ou qu'il soit fait mention qu'ils ne sçauent ou peuuent signer.

III.

Il faut tester selon les formes du lieu où l'on teste: Mais les dispositions prennent leur force par les Coustumes des lieux où les choses sont.

IV.

Car les Coustumes sont reelles,

V.

Institution d'heritier n'a point de lieu.

VI.

L'on ne fait pas heritier par testament qui qu'on veut de ses propres: mais bien de ses meubles & acquets.

VII.

Quand il est permis de disposer d'une portion de ses biens, l'on la peut toute assigner sur vne seule piece.

VIII.

Pere & mere, ou l'un d'eux, peuuent de leur viuant partir leurs biens entre leurs enfans leur legitime sauue, & est ceste disposition reputce testamentaire & reuocable, sinon que la donation eust esté effectuee & parfaicte.

IX.

Toutesfois institution par paction ou recognoissance d'heritier simple ou mutuelle, & donation particuliere par contract de mariage vaut par la loy Sallique des François, & ne se peut reuocquer.

X.

Recognoissance generale du princi-

pal heritier n'empesche qu'on ne puisse s'ayder de son bien: ains seulement qu'on aduantage vn autre au prejudice du marié, des biens qu'on auoit lors.

XI.

L'on ne peut faire rappel à succession, au profit de celuy qui en est exclus, que iusques à la concurrence de ce dont on peut disposer par testament.

XII.

En succession directe on ne peut estre heritier & legataire, aumosnier, personnier, mais bien donataire, & heritier en ligne collaterale.

XIII.

Les legataires doivent estre saisis par l'heritier, ou par les executeurs testamentaires, quand les laigs sont immobiliers, & s'en peuvent aussi les executeurs payer par leurs mains.

XIV.

Legataires vniuersels sont tenus pour heritiers.

X V.

Executeurs de testaments, inventaire preallablement faict sont saisis par an & iour des biens & meubles du testateur, pour l'accomplissement de son testament, payement des laigs mobiliaries, acquit de ses debtes & forfaicts, & si les meubles ne suffisent, leur sera permis par la Iustice vendre quelque immeuble.

X V I.

L'an & iour de leur execution expirez doiuent rendre compte, auquel ils peuuent employer leur salaire, qui leur sera taxé raisonnablement.

X V I I.

La cognoissance des executions testamentaires appartient aux Iuges laiz: & par preuention aux Royaux.

DE SUCCESSIONS

& hoiries.

TIT. V.

I.

LE mort faist le vif son plus prochain heritier habile à luy succeder.

II.

Il n'est heritier qui ne veut.

III.

Mais qui prend des biens de succession, iusques à la valeur de cinq sols, fait acte d'heritier.

IV.

L'heritier simple exclut l'heritier par benefice d'inventaire. Ce qu'on restreint aux collateraux.

V.

ladis representation n'auoit point de lieu : Maintenant elle est receuë quasi par tout en ligne directe : & par beaucoup de coustumes en la collaterale ius-

56. *Liure II. Tiltre IV.*
ques aux enfans des freres.

V I.

Où representation a lieu infiniment,
ce qui eschet au pere, eschet au fils.

V I I.

Cequ'on a dict, Tant que le tige a
fouche, elle ne se fourche: est ce pas,
Tant que la ligne directe dure, la colla-
terale n'a point de lieu?

V I I I.

En succession tant directe que colla-
terale dedans les termes de representa-
tion on succede par lignes, & hors les
termes de representation par testes.

I X.

Maistre Alin Chartier dict, que par
usage & Coustume gärdée de tout tēps
en ce Royaume, toutesfois & quantes
que femme est deboutee d'aucune suc-
cession, comme de fief noble, les fils qui
en viennent & descendent en sont aussi
forclos.

X.

Au Royaume & Baronnies tenans

d'iceluy, representation a lieu en successions tant directes que collaterales.

XI.

Les heritiers sont tenus des faicts & obligations du deffunct personnellement chacun pour sa part, & hypothecairement pour le tout.

XII.

Les François, comme gens de guerre, ont receu diuers patrimoines, & plusieurs sortes d'heritiers d'une seule personne.

XIII.

Et lors les debtes se payent au feur de ce que chacun en amende, si ce n'est es lieux où celuy qui prend les meubles & acquets paye les debtes, les propres demeurans francs & quittes aux parens lignagers: qui estoit l'ancienne coustume de la pluspart du Royaume.

XIV.

Les lais & frais funeraux ne sont point reputez debtes du deffunct, ains de l'heritier.

XV.

Les propres ne remontent point, mais retournent aux plus prochains parens du costé dont ils sont venus au defunct, qui est ce qu'on diét, *paterna paternis, materna maternis*.

XVI.

Toutesfois ce qui est donné aux enfans par leurs pere ou mere leur retourne, quand il n'y a point d'enfans des donataires.

XVII.

Les ascendans succedent aussi aux meubles & acquests de leurs enfans: autrement ils vont aux plus prochains parens du deffunct.

XVIII.

Par la pluspart des Coustumes les parens conioincts d'un seul costé succedent avecques ceux qui sont conioincts de double ligne, suiuant les aduis de maistres Iean le Coq, Pierre le Sec, & autres anciens Sages sur ce ouys par tourbe.

XIX.

L'oncle succede au nepveu avant le cousin germain.

XX.

L'oncle & le nepveu sont en pareil degré, & succedent également où il n'y a point de representation. Car autrement le nepveu representant, son pere exclurroit l'oncle du deffunct.

XXI.

Representation accordée en ligne collaterale ne profite qu'à celuy en faveur duquel elle est faite: mais en ligne directe, s'estend iusques à tous ceux qui se trouuent en pareil degré.

XXII.

Entre nobles le seruiant sans enfans gaigne quasi par tout les meubles

XXIII.

Autrement la femme ne succede point au mary, ny le mary à la femme.

XXIV.

Fille majeur ou mineur, noble ou ro-

turiere, mariee par pere ou mere, ayant renoncé à leur succession à escheoir, n'y peut retourner si elle n'y est r'appelée, pourueu qu'elle ayt eu sa legitime : & tient-on plus communement que ceste legitime se doit considerer selon ce qu'il y auoit de biens lors du mariage, & non du decceds de celuy qui a doté. Ce que les Lombards & autres ont emprunté de la loy Salique ou Françoisse.

XXV.

L'on a dict autresfois qu'ou ramago defaut, lignage succede; maintenant la ligne defaillant d'un costé, les pere & mere, & autres ascendans succedent : puis l'autre ligne : & à faute de tous parens, le seigneur haut iusticier.

XXVI.

Par la Coustume de France, Capitulaires, & Ordonnances du Roy Charles fixiesme, de l'an mil cinq cens quatre-vingts six, les Ecclesiastiques succedent à leurs parens, & leurs parens à

eux, & peuuent disposer de leurs biens tout ainsi que les lays, jaçoit qu'ils leur soient aduenus ou accreus du reuenu de leurs benefices.

XXVII.

Et mesinement aux Euesques, ores qu'ils eussent autresfois esté Religieux.

XXVIII.

Car autrement les Religieux ne succedent point, ny le Monastere pour eux : & si ne peuuent de rien disposer.

XXIX.

L'habit ne fait point le Moine, mais la profession.

XXX.

Bannis à perpetuité, ny condamnés aux galeres, ne succedent.

XXXI.

Le haut Iusticier succede à son subiect par faute de parens, comme le Roy aux Aubains.

Des Partages & Rapports.

TILTRE VI.

I.

QUand une demande de partage fait les lots:
Et coustumierement l'aîné lot-
tit, & le puisné choisit.

II.

Enfans aduantagez de pere & mere
doient rapporter ce qui leur a esté don-
né en mariage, ou autrement, moitié en
vne succession, moitié en l'autre, ensem-
ble les fructs perceus depuis la succes-
sion escheüe, ou moins prendre à la rai-
son de la prisee qui en fut faite, ou les re-
parations vtilles & necessaires tousiours
deduites, ou descomptees, ou de ce qu'ils
en auroient eu sans fraude.

III.

Nourriture, & entretenement aux ar-

mes, escholes, apprentissage de mestier, ou faict de marchandise, despense, ny don denoüces en meubles ne sont subiects à rapport.

III.

Le fils renonçant à la succession du pere & venant à celle de son ayeul, y doit rapporter tout ce qui auoit esté donné ou presté à son pere.

V.

Mais la fille ayant renoncé à la communauté ne doit rapporter ce qui fut presté par son pere à son mary.

VI.

Rapport n'a lieu en ligne collaterale, s'il n'est dict.



LIVRE III.

De Conventions, Contracts, & Obligations.

TITRE I.

Conventions, Contracts, & Obligations.

CONVENANCES vainquent loy.
I I.

On lie les bœufs par les cornes, & les hommes par les paroles, & autant vaut vne simple promesse ou conuenance, que les stipulations de droict Romain.

I I I.

Il n'y a au marché que ce qu'on y met.

I I I I.

C'est pourquoy vn ancien cousturier diet, que Quand mise ou arbitrage est mis sur deux qui ne se peuent accorder, ils ne peuent prendre vn tiers s'il ne fut mis en la mise. Ce qui est pris
du

du droict Ciuil.

V.

Toute debte peut l'en quitter.

VI.

Toutesfois de larrecin ou d'iniures dont il y a claim & plait l'on n'en peut accorder sans iustice.

VII.

Celuy qui auant quitte, s'enmes-faict,

VIII.

Qui prend obligation, ou donne terme, en debte priuilegiee, la faict commun.

IX.

Generale renonciation ne vaut.

X.

Simple transport ne faist point.

XI.

I'ay tousiours esté d'aduis, & suis encores, Que qui promet fournir & faire valoir, s'oblige en son nom, & sans discussion: quoy qu'il ait esté iugé au contraire.

XII.

Quand deux s'obligent ensemblement l'un pour l'autre, & vn chacun d'eux seul pour le tout, ils renoncent en effect au benefice de diuision & discussion.

XIII.

Le &cætera des Notaires, ne sert qu'à ce qui est de l'ordinaire des contracts.

XIV.

L'Entente est au diseur.

XV.

Il ne faict plaisir qui ne veut.

De Mandemens, Procureurs, & entremetteurs. TILT. II.

I.

A s s e z faict qui faict faire.

II.

Qui outre-passe sa charge chet en defaueu.

III.

Messire Pierre de Fontaine remarque, Que nostre usage ne souffroit pas que Procureur quier heritage à autrui, mais qu'il retient ce qu'on luy a baillé à garder.

IV.

Iadis aussi nul de pays coustumier n'estoit receu à faire demande par Procureur en la Cour du Roy sans ses lettres de grace, si ce n'estoit pour Prelat, communauté d'Eglises, ou des villes, ou pour defendre sa cause.

V.

Ce qui n'auoit lieu en pays de Droict Escrit, ny en Cour de Chrestienté, & cetant en matiere ciuile que criminelle.

VI.

Qui s'entremet doit acheuer.

De Communauté, Compagnie, ou société, & principalement entre le mary & la femme.

TILTRE III.

I.

COMMUNAUTÉ n'a lieu si elle n'est convenue par exprez, ou si la loy ou coustume ne l'ordonnent, quelque demeure qu'on face ensemble.

II.

Qui a compagnon a maistre, & principalement quand c'est le Roy.

III.

De bien commun on ne faict pas monceau.

IIII.

Qui demande partage doit faire les lots.

V.

Il faut contribuer à la refection de ce qui est commun, ou y renonce.

VI.

Si l'un des deux ayant chose commune s'en sert, il n'est tenu d'en faire profit à l'autre, s'il n'auroit esté sommé & refusant de faire partage.

VII.

Qui espouse la femme espouse les debtes.

VIII.

Mari & femme sont communs en tous biens; meubles, & conquests immeubles, au lieu que jadis elle n'y prenoit qu'un tiers.

IX.

Laquelle communauté est continuee entre le survivant, ne faisant inventaire, & ses enfans mineurs.

X.

Et quand le survivant se remarie, la communauté est continuee par tiers entre luy, sa seconde femme n'ayant enfans, & sesdits enfans, & par quart si la seconde femme a voit enfans, & qu'elle

n'eust non plus faiet inuentaie ny partage avecques eux. Et ainsi des autres mariages.

XI.

Si le suruiuant mariant l'un de ses enfans luy donne mariage aduenant, ceste communauté se dissout pour son regard.

XII.

Siaucun des enfans continuant la communauté, decede pendant icelle: les suruiuans y prendront telle part que fils estoient tous viuans.

XIII.

Le tout si bon semble ausdits enfans mineurs: autrement ils peuuent reprendre leurs droicts.

XIV.

Mary ou femme ayant melioré leur propre, ou révnny quelque chose à leur fief & domaine, ou faiet quelque acte qui regarde le seul proffit de l'un d'eux, sont tenus d'en rendre le my-denier.

XV.

Quand l'on rachapte quelque rente, d'ot l'heritage de l'un ou de l'autre estoit chargé, elle est confuse tant que le mariage dure: mais iceluy dissolu la moitié de la rente se reprend sur le mesme heritage.

XVI.

Toutes donations, laigs, & successiôs escheuës pendant le mariage, entrent en communauté, sinon que ce fut heritage donné ou laissé par celuy auquel on deuoit succeder.

XVII.

Si quelques deniers ont esté baillez au mary, à la charge de les employer en heritages propres, & ne l'a faict: la femme ou ses heritiers renonceans à la communauté les reprendront sur ladite communauté: sinon sur les propres du mary decédé, & sans confusion, comme tenoit Maistre Matthieu Chartier, l'oracle du Palais. Ce qui n'a lieu quand la

femme prend communauté : d'autant qu'en ce faisant elle prendroit deux fois.

XVIII.

Femme separee de biens les peut administrer sans l'auctorité de son mary, mais non les aliener.

XIX.

Le droict de pouuoir renoncer à la communauté passe à l'heritier.

XX.

Femme qui recele ou destourne n'est plus receuable à renoncer : ains est reputée commune.

XXI.

Femme renonçant à la communauté perd le don mutuel qu'elle pourroit auoir, reprent ses propres, & acquests que elle auoit auant son mariage, avec les bons habits. Ce faisant est deschargee de toutes debtes, esquelles elle ne s'est obligee en son nom.

XXII.

Femme veufue prend part à la repa-

ration ciuile, adiugee pour la mort de son mary, ores qu'elle renonce à la communauté, comme aussi faict l'enfant ores qu'il ne fust son heritier, & sans charge de debtes.

XXII.

L'on ne se peut assembler pour faire corps de communauté, sans congé & lettres du Roy.

XXIII.

Si le mur commun d'un voisin penche demy-pied sur l'autre, il peut estre contrainct de le refaire.

De Vente. TITRE IV.

I.

Qui vend dict le mot.

II.

Il y a plus de fols acheteurs que de fols vendeurs.

III.

Jamais bon marché ne fut net.

IIII.

Il n'est pas marchand qui tousiours gaigne.

V.

Tant vaut la chose qu'elle se peut vendre.

VI.

L'on n'a pas plustot vendu la chose qu'on n'y a plus rien.

VII.

Delivrance de meuble vendu presumpose payment.

VIII.

Quand le vendeur recognoist la vente, mais dict que ce fut par force, garantir luy conuient, & puis apres plaider de la force s'il luy plaist.

IX.

En chose vendue par decret, euiction n'a point de lieu.

X.

En vente faicte par decret, ne chet rescision pour deception d'outre moitié

de iuste prix.

XI.

Ny en vente de succession ou droicts vniuersels, ny en baux à ferme, ny en meubles par coustume generale de la France.

XII.

De tous marchez on en vuide par interest.

XIII.

Vin de marché n'entre point en cõpte du prix, pour en prendre droicts de ventes: sinon qu'il fust fort excessif.

XIV.

Il ne prend couretier qui ne veut.

XV.

Couretiers sont tenus rendre la marchandise ou le prix, par prise & detention de leurs personnes.

XVI.

Vn vendeur de cheuaux n'est tenu de leurs vices, fors de morue, pousse, corbes & courbatures: sinon qu'il les ait

vendus sains & nets, auquel cas il est tenu de tous vices. iusques apres huit iours de la deliurance faicte.

XVII.

Langageurs sont tenus reprendre les porcs qui se trouuent mezeaux en la langue. Et s'il y auoit rien en la langue, & neantmoins se trouuent mezeaux dás le corps, le vendeur est tenu en rendre le prix, sinon que tout vn troupeau fust vendu en gros.

XVIII.

En meubles, la mesure s'en doit faire selon le lieu où la vente se faict : en immeubles, selon le lieu de leur situation.

XIX.

En vente faicte à faculté de rachap les droits sont deus au seigneur ou fermier du iour de la vente, & non de la faculté expiree.

DES RETRAICTS.

TITRE V.

I.

Il y a trois sortes de retraicts: conventionnel, lignager, & seigneurial: & en quelques lieux vn quatriesme a droit de bien-ſeance, & communauté.

II.

Le seigneurial est censuel ou feudal, & s'appelle coustumièrement droit de retenue.

III.

Le feudal a lieu par tout le Royaume, le censuel en quelques coustumes seulement.

IV.

Le Seigneur n'a retenue sur le lignager, ains retraict lignager est preferé au seigneurial, & le conventionnel à tous autres.

V.

Si le lignager retraict sur le seigneur, il luy payera ses droicts.

VI.

Mais le retraict lignager ne dure que vn an apres l'enfaînement, sans qu'on soit tenu rien faire signifier: le seigneurial trente ans, si on ne faict sçauoir le contract.

VII.

Retraict seigneurial & conuentionel est cessible: le lignager non, si ce n'est à vn lignager.

VIII.

Retraict seigneurial a lieu tant en propres qu'en acquests, le lignager coustumièrément en propres seulement. Qui est-ce qu'on dit, Qu'en conquest ne gist retraict.

IX.

Lignager sur lignager n'a droict de retenuë.

X.

Le lignager qui preuient exclut le plus

prochain, fors és lieux où l'on peut venir entre la bourse & les deniers.

XI.

Le Roy n'a droict de retraict seigneurial : aussi n'en peut-on vser contre luy : mais bien a retenuë par droict de bienfeyceance.

XII.

L'Eglise a droict de retenuë : mais il faut qu'elle le cede , ou en vuide ses mains dans l'an & iour.

XIII.

Disme infeudee acquise par l'Eglise n'est subiecte à retraict.

XIV.

Cil ne requiert pas suffisamment les choses à retraict qui à Cour aduenant ne le requiert.

XV.

Il est au choix du retrayant faire adjoindre l'acquerer par deuant le iuge de la personne, ou de la situation de la chose vendue.

XVI.

Congé de Cour contre le retrayant avant contestation, emporte gain de cause.

XVII.

Defaut de fournir par le retrayant à ce qu'il est tenu par les coustumes le faict dechoir du retraict.

XVIII.

Qui ne seroit habile à succeder, ne peut à retraict aspirer.

XIX.

Bastards ne sont receus à retraict.

XX.

Le fils peut retraire l'heritage vendu par son pere.

XXI.

Voire quand il n'auroit esté ny né, ny conceu lors de la vente.

XXII.

Retrait accordé volontairement sans iugement est reputé vendition.

XXIII.

Retrait n'a lieu en vsufruit, ny en meubles

bles s'ils ne sont fort precieux, & des grandes maisons.

XXIV.

En échange d'immeubles, donation soit simple ou remuneratoire, fief & bail à rente non racheptable, & sans bourse deslier, retraict n'a lieu.

XXV.

Mais en emphyteose & rentes foncieres vendues, y a retraict, & non en rente racheptable.

XXVI.

L'échange est reputé frauduleux quand l'un des contractans se retrouve iouissant dans an & iour de la chose qu'il auoit baillee en contreschange.

XXVII.

En rentes foncieres vendues seroit-il pas raisonnable preferer les debtors d'icelles, suivant quelques Coustumes.

XXVIII.

Biens confisquez vendus, ne sont subiects à retraict.

XXIX.

Tant que celuy qui n'est en ligne a des enfans qui sont en ligne, retraict n'a lieu.

XXX.

Voire la seule esperance d'auoir des enfans, par le lien de mariage conserue le droict de la ligne.

XXXI.

Maistous les enfans estans decedez, & d'esperance faillie il y a lieu de retraict dans l'an & iour du dernier decede.

XXXII.

Heritages vendus par decret sont subiects à retraict, dans l'an de l'adiudication.

XXXIII.

Heritage, retraict reuendu, & subiect à retraict.

XXXIV.

L'on ne peut faire conuenance au preiudice de retraict lignager.

XXXV.

Retraict lignager ne se recognoist à uartier.

XXXVI.

Et pource quand plusieurs heritages sont vendus par vn mesme contract, & par vn mesme prix, desquels les vns sont subiects à retraict, les autres non, il est au choix de l'acquerreur de delaisser le tout, ou ceux de la ligne seulement.

XXXVII.

Mais le seigneur n'est contraignable prendre ce qui n'est de son fief.

XXXVIII.

Le retrayant n'est tenu payer que le prix, frais & loyaux cousts de la premiere vente, ores que la chose ait marché en beaucoup d'autres mains pendant l'an & iour du retraict.

XXXIX.

Loyaux cousts sont entendus, frais de lettres, labourages, semences, façons & reparations necessaires.

XL.

Pendant le temps du retraict l'acquerreur ne peut alterer les choses au preiudi-

ce du proëfme.

XLI.

L'an du retraict ne court que du iour de la faifie en roture: ou en fief, du iour de la reception en foy.

XLII.

Le feigneurial plus coutumierement court quarante iours apres le contract exhibé.

XLIII.

La faculté de rachapt n'empesche point le cours du temps du retraict.

XLIV.

Le seigneur feudal ou censuel qui a receu les droicts seigneuriaux, cheuy & composé, ou baillé souffrance d'iceux, ne peut vser de retraict.

XLV.

Mais il en est exclus pour auoir receu les cens, rentes ou autres redevances annuelles.

XLVI.

Par coustume generale du Royaume,

le temps des retraicts lignagers & feudal court contre les mineurs, absens, croisez, furieux, bannis, & tous autres, sans esperance de restitution, contre ce qu'on tient en droict escrit.

XLVII.

Es vingt quatre heures de l'execution du retraict la nuit & le iour se cōtinuent.

XLVIII.

Tout heritage retenu par pūissance de seigneurie est reputé reūny à iceluy, s'il n'y a declaration au contraire.

XLIX.

Les fruiets sont deus au retrayant du iour de l'adiournement & offres bien & deuëment faictes, ores qu'il n'y ait consignation. **L.**

En matiere de retraict, & quasi tous-jours le iour s'entend depuis le Soleil leué iusques au couché. **LI.**

Si le lignager estant recogneu à retraict est en demeure de l'executer dans le temps, il en dechet.

De Louage. TILTRE. VI.

I.

VENDRE ou achapt passe loüage.
II

Celuy qui sert & ne parsert, son loyer
pert. III.

Il n'y a point de raison en ce qui se
dict, que Mort & mariage rompent tout
loüage, si on ne l'entend de ceux qui
meurent ou se marient pendant le temps
du loüage de leurs personnes: C'est pour-
quoy quelques vns dient qu'il y a au pro-
uerbe que Mort & mariage rompent
tout liage.

IV.

Le locataire doit estre tenu clos &
couuert.

V.

Le propriétaire peut contraindre son

hoste de garnir sa maison de meubles exploitables pour seureté de son louage: Et à faute de ce, l'en peut faire sortir.

VI.

Il est permis au propriétaire faire saisir & suiure les biens meubles de son hoste, pour les termes qui sont deus; encores qu'il ne soit ny obligé ny condamné.

VII.

Les grains & biens meubles d'un fermier & locataire sont taiblement obligez pour les moisons & loyers du propriétaire.

VIII.

Les propriétaires sont preferez à tous autres creanciers pour les moisons & loyers de l'annee courant.

IX.

Le locataire peut vser de retention de ses' louages pour reparations necessaires par luy faictes du consentement du propriétaire, ou apres sommation precedente.

X.

Qui iouyt & exploicte vn heritage apres le terme finy, sans aucune denonciation, peut iouyr vn an apres à pareil prix que deuant.

XI.

Le temps du loüage finy le locataire a huiet iours pour vider: apres lesquels il y est contrainct par execution & mise de ses meubles sur les carreaux.

De Gages & Hipotheques. TITRE VII.

I.

I L y a deux sortes de gage; vif & mort.

II.

Vif-gage est qui s'acquitte de ses issuës,
Mort-gage qui de rien ne s'acquitte.

III.

Mort-gage n'a coustumierement lieu qu'en deux cas: en mariages de mainnés,

de Gages & Hypotheques. 89
ou de filles , ou pour don & aumosne
d'Eglises.

IIII.

Pleige, plaide, gage, rend, & bailler
caution est occasions de double procez.

V.

Meubles n'ont point de fuite par hy-
pothecque quand ils sont hors de la pos-
session du debteur.

VI.

Toutesfois si le meuble saisi n'estoit
payé par le debteur , & qu'il fut saisi par
celuy qui le luy auoit vendu , il y auroit
lieu de fuite, & preference.

VII.

Et pareillement au profit du creancier,
si le saisi le vendoit depuis son execution.

VIII.

Item celuy qui tient le gage, a hypo-
thecque priuilegée sur iceluy auant tous
autres. Et si ne peut le debteur demander
respit contre celuy , par l'Ordonnance
du Roy Philippes Auguste.

IX.

Bourse, ou argent n'a point de suite.

X.

Les premiers vont deuant.

XI.

Scedule priuee recogneuë en iugement ou pardeuant Notaires emporte hypothèque du iour de la recognoissance ou de la negation d'icelle en iustice, apres qu'elle a esté verifiée.

XII.

Et neantmoins en separations de biens les creanciers chirographaires du defunct sont preferez à tous les creanciers de son heritier.

XIII.

Contracts passez sous seal de Cour laye engendrent hypothèque.

XIV.

Contracts passez en Cour d'Eglise n'emportent point d'hypothèque.

XV

Les mineurs & les femmes ont hypo-

theque taifible & priuilegee fur les biens de leurs tuteurs & maris du iour de la tutelle, & contract de mariage.

XVI.

Es cas esquels ya hypothecque taifible. les realisations, nantissements, & faifines introduictes par aucunes coultumes ne font point requises.

XVII.

Hypothecque ne se diuife point.

XVIII.

Quand l'action personnelle concurre avec l'hypothecaire, celuy des heritiers qui ne feroit tenu que pour fa part personnellement, est tenu hypothecairement pour le tout.

XIX.

I'ay tousiours tenu & tiens encorcs pour reigle ce que i'ay appris de M. Charles du Moulin, Qu'en speciale hypothecque n'ya point de discution, quoy qu'il ayt esté iugé au contraire par quelques Arrests modernes.

XX.


En faict d'hypothèque, pour cens, ou rentes, il faut payer ou quitter

XXI.

Generale hypothèque de tous biens comprend les presens & à venir, & non ceux des hoirs.

XXII.

Par l'Edict de Moulin hypothèque a lieu sur les biens du condamné, du iour de la sentence confirmee par Arrest.



LIVRE IV.

DES RENTES. TITRE I.

I.

ON met sa terre en gaignage par baux à rente, cens, ou fief.

II.

Les rentes sont reelles & immobiliari-

res , les arrerages personnels & mobili-
liaires.

III.

En succession ou partage de rentes
constituees sur particuliers , on regarde
le doinicile de celuy auquel elles appar-
tiennent : En celles du Roy la ville sur
laquelle elles sont assignees.

IV.

Le prix de la rente constituee estoit au
denier douze par l'Ordonnance du Roy
Charles septiesme, de l'an 1441. redu-
ctibles rachetables à ce prix, & s'il n'ap-
paroissoit du contraire.

V.

Maintenant par l'Ordonnance du
Roy Henry quatriesme, elles sont redui-
tes au denier seize.

VI.

Toute rente constituee en grain ou au-
tre espee est reductible à argent selon le
prix qu'elle a esté vendue par l'Ordon-
nance de l'an mil cinq cens soixante-cinq.

VII.

Rentes constituees à deniers, sont rachetables à tousiours.

VIII.

Mais faculté de rachapt de rentes procedans de bail d'heritages, se prescrit par trente ans.

IX.

Si la rente estoit constituee au denier dix, elle seroit reduisible, si au deffoubs du dernier dix, vsuraire.

X.

Rentes foncieres sur heritages deuës aux Ecclesiastiques ne sont rachetables, ores qu'elles fussent deuës sur maisons de villes, mesmes de Paris; les Ordonnances des Roys François I. & de Henry II. ayans pour ce regard esté reuoquées par celle du Roy Charles IX. suiuië & confirmée par les Arrests.

XI.

Vente d'heritages à faculté de rachapt à vil prix, duquel l'acquercur reçoit pro-

fit ou rente, à la raison de l'Ordonnance par bail à ferme par luy faict à son vendeur, est reduicte à rente racheptable. Et si tel contract estoit faict par gens qui fussent coustumieres d'vsuter, il seroit réputé vsuraire.

XII.

De rentes constituées on ne peut demander que cinq années d'arrérages, par l'Edict du Roy Louys XII.

XIII.

Rentes infeudées non racheptables sont réputées feudales : toutes les autres sont roturieres, ores qu'elles y soient vendues & constituées sur fief.

XIV.

Tous detenteurs, propriétaires & possesseurs d'heritages chargez de rentes s'ont tenus personnellement & hypothéquairement payer les arrérages de leur temps, & les précédens hypothéquairement. Ce qu'ayant esté premierement introduit pour rentes foncières, & realisées ou nan-

tics, a esté depuis estendu aux rentes constituées & rachetables. Et par aventure mal à propos.

XV.

L'effect de l'obligation personnelle est que le détenteur en peut estre executé en tous ses biens : & de l'hypothecaire, que l'heritage obligé peut estre saisy & adiugé sans qu'il soit besoin discuter ceux du principal obligé.

XVI.

Neantmoins les détenteurs s'en peuvent descharger en deguerpissant, voire mesmes les preneurs à rente, & leurs hoirs : sinon qu'il y eust promesse de fournir & faire valoir.

XVII.

Tout deguerpissement se doit faire en iustice.

XVIII.

Le preneur ou son heritier qui deguerpit, doit payer les arrerages passez, l'année courante, & vn terme de plus.

XIX Le

XIX.

Le tiers détenteur de guerpiſſant après conteſtation, eſt quitte en rendant tous les fruits qu'il a perçus, & après iugement en payant les arriérages eſcheus de ſon temps.

XX.

Les ſeigneurs cenſiers & rentiers peuvent procéder par ſaiſie ſur les héritages ſubiects à cens & rentes, laquelle tient pour les trois dernières années prétendues & affermées par le ſeigneur non obſtant oppoſition, tant ſuivant l'Ordonnance de Charles IX. de l'an 1563. que pluſieurs couſtumes anciennes & modernes.

XXI.

Toutes rentes ſont requérables ſ'il n'eſt autrement convenu.

XXII.

L'adiournement fait contre l'un des détenteurs pourſuiuy pour le tout, ſert d'interruption contre les autres.

XXIII.

Celuy qui doit rente fonciere ou autre droict seigneurial pour raison d'aucun heritage, en doit faire veuë oculaire à son seigneur vne fois en sa vie: ou luy assigner la rente sur heritage valable, & luy fournir de declaration.

XXIV.

Le seigneur n'est tenu faire veuë à son rentier foncier ou censier.

XXV.

Rentes sont indiuisibles.

De Cens & Champarts. TILTRE. II.

LE cens est diuisible.

II.

Le cens n'est requerable, ains rendable & portable.

III.

Droits de cens, & du premier fonds

de terre deus au seigneur direct, ne se perdent, ny par le temps, ny par decret.

IV.

Cens sur cens n'a point de lieu.

V.

Lots & ventes appartiennent à celuy qui a la seigneurie la plus proche du fonds.

VI.

En ventes d'heritages tenus à cens, soyent pures & simples ou à faculté de rachapt par decret, ou autrement, & en baux à rente racheptable, sont deuz lots & ventes, deslors du contract.

VII.

Le propriétaire ne peut tellement empirer l'heritage redeuable de cens, qu'il ne s'y puisse percevoir.

VIII.

Mais non du contract du rachapt, suivant la faculté accordée.

IX.

Pour rentes foncières non racheptables.

bles volontairement vendues ou delais-
sées par rachapt, sont deus lots & ven-
tes, comme faisans partie de l'heritage
subiet à icelles.

X.

Pour adiudication par decret fait
pour nettoyer les hypothèques suiuant
la conuention portee par le contract de
vente, ne sont deus lots ne ventes: sinon
entant que le prix d'icelle excéderoit ce-
luy qui auoit esté conuenu.

XI.

En supplément de iuste prix, acqui-
sition de plus valuë, transaction portant
delaissement d'heritages, moyennant
deniers baillez sont deuë ventes à raison
de ce qui est payé, & non plus.

XII.

Pour achapt de succession vniuerselle
ne sont deus lots ne ventes.

XIII.

De partage, licitation, & adiudication
entre coheritiers ou compersonniers ne

sont deubs ne lots ne ventes.

XIV.

Pour vente de fruiets faicte à plus de dix ans, sont deubs lots & ventes, & non pour vente à vie.

XV.

Qui tient terres subiectes à champart n'en peut leuer la desblee sans appeller le seigneur, sur peine de l'amende.

XVI.

Terres tenuës à champart, terrage, vinage, gros cens, ou rente originaire & directe, tenant lieu de chef cens, doiuent lots & ventes au seigneur desdits champart, terrage, &c.

XVII.

Terres tenuës en fief ne doiuent champart.

XVIII.

Quand droiet de relief est deu pour roture ou cotterie, il est coustumierement du double du cens, ou de la rente.

XIX.

Vn seigneur soit censuel ou feodal, n'est tenu enfaïner ny recevoir en foy le nouvel acquereur, s'il ne le satisfait aussi des anciens droicts & arrerages à luy deubs.

XX.

Le seigneur censier peut tenir en sa main les terres vacantes, & en faire les fructs siens, iusques à ce qu'il en soit reconnu.

XXI.

Mais pendant le temps de sa iouissance, ne luy sont deubs cens ne rentes.

XXII.

Qui ne paye son cens, doit perdre son champ, Qui est ce que dient nos capitulaires, *Qui negligit censum, perdat agrum.*

*De Fiefs. TIT. III.**I.*

Tous fiefs sont patrimoniaux ; se
peuvent vendre & engager sans le
consentement du seigneur, & en sont
les heritiers saisis.

II.

Les bénéfices sont resignables, & à
vies.

III.

Les charges & commissions reuoca-
bles à volonté.

IV.

Tout nouveau vassal doit la foy à
son seigneur, & luy en faire quelque re-
cognoissance.

V.

Le doit aller trouver en son chef-lieu :
là demander s'il y est ou autre pour luy.

ayant pouuoir de le receuoir en foy: puis mettant le genoüil en terre, nuë teste, & sans espee, ny esperons, luy dire, qu'il luy porte la foy & hommage qu'il est tenu luy faire, à cause du fief mouuant de luy, & à luy appartenant à tel tiltre: & le requerir qu'il luy plaise l'y receuoir.

VI.

Le vassal faisant la foy, doit mettre ses mains iointes entre celles de son seigneur, disant, Sire, ou Monsieur, ie deuens vostre homme, vous promets foy & loyauté de ce iour en auant, viens en faisine vers vous, & comme à seigneur, vous offre ce. Et le seigneur luy doit respondre, Je vous reçois & prens à homme, & en nom de foy, vous baise en la bouche, sauf mon droict & l'autrui.

VII.

Le seigneur n'est tenu receuoir l'hommage de son vassal, par Procureur,

mais s'il a excuse legitime, luy donnera souffrance.

VIII.

Le vassal ne trouuant son seigneur en son hostel, doit heurter par trois fois à la porte, l'appeller aussi par trois fois. Et apres auoir baisé la cliquette ou verrouil d'icelle, faire pareille declaration que dessus, & en prendre acte authentique, signifié aux officiers de la iustice, ou au prochain voisin, & en laisser copie.

IX.

Les enfans ne doiuent coustumierement que bouche, & mains, avec le droict de Chambellage, qui est deu par tous.

X.

En quelques contrees la femme ne doit que la main : mais la courtoisie Françoisse doit aussi la bouche.

XI.

Droict de Chambellage est vne piece

d'or au Chambellage du seigneur, à la discretion du vassal.

XII.

Les collateraux doiuent relief ou rachat.

XIII.

Relief est le reuenue d'une année, choisie en trois immédiatement precedentes : ledict des Pairs, ou vne somme de deniers pour vne fois, au choix du seigneur.

XIV.

Pairs sont compagnons tenans fief d'un mesme seigneur, l'un desquels est nommé par le seigneur, & l'autre par le vassal, & s'ils ne s'accordent, ils en prennent un tiers.

XV.

Le vassal est tenu communiquer à son seigneur choisissant le relief ses papiers de recepte & terrieres, & en bailler copie aux despens du seigneur.

XVI.

Au reuenue de l'année se doit rabatre

le labourage, & en doit le seigneur iouyr, comme bon pere de famille.

XVII.

Mais quand le seigneur gaigne les fruiets à faute d'homme & de debuoirs, il les prend tels qu'ils sont sans rien pre-
conter ny deduire pour les frais & la-
bours de son vassal, & sans rien dimi-
nuer de ce qui luy est deu pour son ra-
chapt.

XVIII.

Si plusieurs rachapts escheent en vne
annee par contracts de vassaux, ils au-
ront lieu si par leurs deceds, n'en fera
deu qu'un.

XIX.

Si durant l'annee du rachapt s'en ren-
contre vn autre d'une terre hommee,
qui tombe aussi en rachapt, le seigneur
en iouyra tant que l'annee de son ra-
chapt durera: & s'appelle rachapt ren-
contre.

XX.

En eschange & donation est deu ra-
chapt.

XXI.

En vente de fief sont deubs quintes pour & au lieu de lassentement du seigneur: & en quelques lieux encores requints: & en d'autres seulement tresiefme, selon les conuentions ou coustumes des lieux.

XXII.

Es lieux où est deu relief en toute mutation, comme au Vvexin, quand quint est deu, n'est deu relief.

XXIII.

En fiefs abonnez vendus ne sont deubs quintes ny requints.

XXIV.

Si le Seigneur n'est seruy de son fief, ny satisfait de ses droicts, il le peut mettre en sa main par saisie, & en faire les fruiets siens.

XXV.

Mais tant que le seigneur dort, le vassal veille, & tant que le vassal dort, le seigneur veille.

XXVI.

Le seigneur de fief ne plaide iamais deffaifi.

XXVII.

Est la faisie du seigneur preferree à toutes autres.

XXVIII.

Mais si les creanciers le satisfont de ses droicts, il sera tenu leur en faire main leuee.

XXIX.

Et pareillement donner souffrance aux tuteurs des mineurs.

XXX.

Il y a entre les Prouerbes ruraux que Souffrance à la fois vaut des-heritance, qui semble estre ce qu'on dit coustumierement, Souffrance vaut foy, tant qu'elle dure.

XXXI.

Mineurs ny leurs tuteurs n'entrent point en foy.

XXXII.

Mais bien les baillistres, qui font les

fructs leurs, & les maris pour leurs femmes, & payent relief.

XXXIII.

Aussi apres les bails finis, les maieurs & les femmes vefues y entrent comme de fief seruy, & sans payer autre relief.

XXXIV.

Qui demande souffrance doit declarer les noms & aages de ceux pour qui il la demande.

XXXV.

Souffrance se doit aussi bailler à ceux qui par essoine legitime ne peuuent faire la foy en personne.

XXXVI.

La souffrance finie l'on peut saisir à faute de foy.

XXXVII.

Vn nouveau seigneur peut sommer & contraindre ses vassaux de venir à la foy: qui est ce qu'on dit, A tous seigneurs tous honneurs.

XXXVIII.

Mais l'ancien vassal ne doit que bou

che & mains.

X X X I X.

Quand vne faisie est faicte pour plusieurs causes, il suffit qu'elle se puisse soutenir pour l'une d'icelles.

X L.

Vn seigneur peut receuoir à foy & relief tous ceux qui se presentent à luy, sauf tous droicts.

Et n'est tenu de rendre ce qui luy est pour ce volontairement offert & présenté.

X L I.

Si le vassal compose des droicts de son fief faisi, & ne satisfait dans le temps qui luy auoit esté donné, la faisie se continuë. Qui est ce que dient quelques coustumes, Quand argent faut, finaison nulle.

X L I I.

Le seigneur & le vassal sont tenus reciproquement se communiquer de bone foy leurs adueus, denombrements, & autres lettres, ou s'en purger par serment.

X L I I I.

Les droits deus par le vassal à son seigneur se payent selon la coustume du fief servant : mais les foy & hommages se doiuent faire en la forme du fief dominant.

XLIV.

Le seigneur de fief peut aussi saisir à faute de denombrement non baillé.

XLV.

Mais l'adueu bien ou mal baillé sauue la leuee, & ne faict le seigneur les fructs siens.

XLVI.

Doit le seigneur leuer sa main de ce dont il n'est en discord, la saisie tenant pour le surplus.

XLVII.

Denombrement baillé sert de confession contre celui qui le baille : mais ne preiudicie à autrui : ny au seigneur qui le reçoit, sinon que le vassal estant retourné vers luy apres quarante iours pour le reblandir, il ne le blasme.

XLVIII.

Vn seigneur ne peut contraindre son vassal de bailler adieu plus d'une fois en sa vie.

XLIX.

Ce qui est recelé frauduleusement est acquis au seigneur.

L.

Vn seigneur ne peut saisir le fief de son vassal, avant qu'il soit luy-mesmes entré en foy.

LI.

Ne peut aussi gagner les fructs du fief ouvert par le deceds de son vassal, qu'apres les quarante iours.

LII.

Le seigneur qui a receu son vassal en foy sans aucune reservation, ne peut saisir le fief pour les droicts par luy preten-
dus, ains y doit venir par action.

LIII.

L'on doit venir par action pour loy-
aux aydes.

LIV.

Loyaux aydes sont coustumierement deubs pour cheualerie de seigneur, ou de son fils aisné, pour mariage de fille aisnée, pour rançon, & voyage en la terre Saincte.

LV.

Le cas de rançon est reïterable, les autres non.

LVI.

Loyaux aydes sont presque ordinairement le doublage des devoirs.

LVII.

Loyaux aydes ne passent aux filles, ores qu'elles soient Dames du fief.

LVIII.

Par roturier & non noble, & à noble & non roturier sont deubs loyaux aydes.

LIX.

Autrement pour la personne ne pert le fief sa noblesse.

LX.

Auparauāt que les fiefs fussent vrayc

ment patrimoniaux, ils estoient indiuisibles & baillez à l'aîné, pour luy ayder à supporter les frais de la guerre, & quasi comme *prædia militaria*, qui ne venoient point en partage.

LXI.

Depuis les puisnez y ont pris quelques prouisions & appanages, qui en ont quasi par tout esté en fin faict patrimoniaux.

LXII.

L'aîné prenant tousiours quelque aduantage, selon la diuersité des Coustumes. Et par aduanture seroit-il raisonnable qu'il prit le double de chacun des autres enfans.

LXIII.

Sur tout le chef-lieu, ou maistre manoir entier, ou au lieu d'iceluy le vol du chappon, qui est vn arpent de terre ou iardin, marque de l'ancienne frugalité de nos peres.

LXIV.

Et si doit auoir le nom, le cry, & les armes pleines. LXV.

Quand le fief confisteroit en vn hostel, il le prendroit entier luy seul, la legitime des autres sauue.

LXVI.

Si les precloftures du chef lieu excèdent ce qui doit appartenir à l'aîné, il les peut auoir en recompensant les puînez en fiefs ou autres heritages de la même succession, à leur commodité.

LXVII.

Et si peut auoir la plus belle terre entiere aux memes conditions.

LXVIII.

Et si ne paye pas plus de debtes que l'vn de ses autres freres ou sœurs.

LXIX.

Mais nul ne prend droict d'aînesse, s'il n'est héritier.

LXX.

Est ce droict d'aînesse en fiefs si fauo-

nable que l'on n'en peut estre priué, ores qu'on y eust renoncé du vivant dâses pere & mere.

L X X I.

Par l'Ordonnance du Roy Philippe Auguste, du 1. de May, de l'an 1210. (qui est par aduanture la premiere des Roys, de la troisieme race,) les parts de l'e-clypsement du fief des mainez est tenuë aussi noblement que le principal de son aîné.

L X X I I.

Est neantmoins en leur choix de releuer du seigneur feudal, ou les tenir en parrage de leur aîné, qui les asquitte de la foy pour le tout envers le seigneur commun.

L X X I I I.

L'aîné peut faire la foy & hommage pour les puisnez.

L X X I V.

Neantmoins est loisible à vn chacun faire la foy pour sa part.

L X X V.

Le puisné ne peut garantir son aîné : & si n'y a garentie en ligne collaterale.

L X X V I.

Le frere n'acquitte sa sœur que de son premier mariage, & non des autres.

L X X V I I.

Et en chacune branche de parrage, celle qui s'appelloit miroüer de fief par l'ancienne coustume de Vvexin, pouvoit porter la foy pour toutes les autres.

L X X V I I I.

Si l'aîné de la souche ou branche, est refusant ou dilayant faire la foy, le plus aagé d'après, & les autres successivement la peuvent porter, & en ce faisant couvrir le fief.

L X X I X.

Entre enfans n'y a qu'un droict d'aînesse.

L X X X.

Toutesfois fil y a diuerses succes-

sions, coustumes, ou bailliages: Il prendra droict d'aisnesse en chacune d'icelles.

LXX XI.

Presque par tout entre filles n'y a point de droict d'aisnesse.

LXX XII.

Entre masses venans à succession en ligne collaterale n'y a gueres prérogative d'aisnesse, fors du nom, du cry, & des armes.

LXX XIII.

En la mesme ligne, les masses excluent les femelles estans en pareil degré, & venans de leur chef, si ils y viennent par représentation, ils concurrencent avec elles.

LXX XIV.

Mais ils en sont exclus par elles si ils estoient si esloignez, qu'ils fussent hors des degrez de représentation.

LXX XV.

Si les femelles y viennent par repre-

sentation d'un masle, elles concurrent avecques ceux qui sont en pareil degré que les representez.

LXXXVI.

Le Royaume ne tombe point en quenouille, ores que les femmes soient capables de tous autres fiefs.

LXXXVII.

Par la loy salique les Royaume, Duchez, Comtez, Marquisats, & Baronnies ne se desmembrent point.

LXXXVIII.

Mais doit le Roy appanage à Messieurs ses freres, & enfans masles puînez: & mariage à mes Dames ses sœurs, & filles: & les Ducs, Comtes, & Barons, recompense en autres terres.

LXXXIX.

Marques de Baronnie estoit auoir haute iustice en ressort.

XC.

Le vassal peut desmembrer, bailler à

cens & arrentement son fief, sans l'assens de son seigneur, iusques au tiers de son domaine, sans s'en dessailir, où la main mettre au baston, qui est ce que l'on dit, se jouër de son fief, sans demission de foy.

X C I.

Mais ne le peut demembrer au préjudice de son seigneur.

X C II.

Le seigneur qui a ré-vny à sa table le fief de son vassal n'est tenu en faire hommage à son seigneur : mais aduenant mutation de part ou d'autre, doit faire hommage du total, comme d'un fief vny.

X C III.

Quand vn fief aduient par confiscation à vn haut iusticier, lequel n'est tenu de luy, ou vn arriere-fief tenu de luy, il en doit vuider ses mains dans l'an & iour, ou en faire la foy & hommage au seigneur feudal.

XCIV.

Le vassal est tenu aduouër ou desaduouër son seigneur, sinon qu'il y eust contention de tenure entre deux seigneurs, auquel cas il se peut faire recevoir par main souveraine du Roy.

XCV.

Le vassal mal desaduouant pert son fief.

XCVI.

Car qui fief denie, fief perd. Et qui à escient faict faux adueu, comme felonnie.

XCVII.

Fidelité & felonnie sont reciproques entre le seigneur & le vassal, & comme le fief se confisque par le vassal, ainsi la tenure feudale par le seigneur.

XCVIII.

Le seigneur ré-vnissant le fief de son vassal par felonnie, le tient franc & quitte de toutes debtes & charges constituées par son vassal.

XCIX.

Autrement le seigneur confisquant
en est tenu iusques à la valeur du fief.

C.

Vn seigneur de paille, fcurre, ou de
beurre, vainc & mange vn vassal d'a-
cier.

CI.

On ne peut bastir forteresse au fief &
iustice d'autrui, sans son congé.

De Donations. TITRE IV.

I.

I L n'est si bel acquest que de don.

II.

Toutesfois don d'heritage fait à ce-
luy qui doit succeder, luy est propre ius-
ques à la concurrence de ce qui luy de-
uoit aduenir.

III.

Don d'heritages faict pour nopces à
faire, est reputé propre à celuy à qui il

est faict : mais quant il est faict apres le mariage, est reputé conquest.

Article de l'ordonnance de 1550. l. 1. c. 1.

Simple transport ne faict point.

Article de l'ordonnance de 1550. l. 1. c. 1.

Donner & retenir ne vaut.

V I.

Promettre & tenir sont deux.

Article de l'ordonnance de 1550. l. 1. c. 1.

Il vaut mieux vn Tien que deux; Tu l'auras.

V I I.

Chacun peut disposer de son bien à son plaisir, par donation entre vifs, suivant l'opinion de tous nos Docteurs François.

I X.

Donation mutuelle soit entre vifs, soit par testament ne se peut reuoquer que par mutuel consentement : sinon que celuy au profit duquel on auroit mutuellement testé, fust decédé.

X.

Donataire mutuel est tenu auancer

les obseques & funerailles, & debtes du
predecedé : mais non les laigs testa-
mentaires.

XI.

En donation faicte entre conioincts
senteent que leurs conuentions de ma-
riage y soient prealablement prinſes.

XII.

Donation faicte entre vifs par per-
sonnes malades, dont ils decedent, est
reputee à cause de mort.

XIII.

Donation faicte à cause de mort, ne
faist point.

De Responses. TITRE V.

I.

Q V r respond payc.

II.

De foy fy: de pleigé plaid: de gage,
reconfort: d'argent comptant paix &
accord.

Liure III. Tiltre VI.

III.

Qui respond pour vn criminel corps
pour corps, auoir pour auoir, n'en est
pourtant tenu que ciuilement.

De Payements.

TILTRE VI.

I.

AV prester amy, au rendre ennemy.

II.

Qui bien veut payer, bien se veut
obliger.

III.

Qui doit il a le tort.

IV.

Qui paye mal, paye deux fois.

V.

Qui paye bien, deux fois emprunte.

VI.

Qui paye le dernier, paye bien.

VII.

C'est assez de payer vne fois ses deb-
tes.

VIII.

Ce qui est differé, n'est pas perdu.

IX.

Or vaut ce qu'or vaut.

X.

Qui veut faire cession doit confesser la debte en iugement, & en personne.

XI.

L'on peut renoncer aux respits: mais non au benefice de cession.

XII.

Respits ou cession n'ont lieu en debtes priuilegees, ou procedans de dol ou de crime.

XIII.

Debtes priuilegees sont celles qui sont adiugees par sentences, loüages de maisons, moissons de grains en espee, ou en argent, arrerages de cens & rentes foncieres, deniers dotaux, debtes de mineurs, aliments & médicament: ou quand le creancier est nanty.

de gages, par l'Ordonnance du Roy
Philippe Auguste.

X I V.

En desconfiture tout creanciers vien-
nent à contribution au fol la liure sur les
meubles: & les chirographaires & sce-
duliers sur les immeubles.

X V.

Car sur les immeubles, les premiers
hypothecaires vont deuant.

X V I.

Desconfiture est quand le debteur
faict rupture & faillite, ou qu'il y a ap-
parence notoire que ses biens tant meu-
bles, qu'immeubles, ne suffiront au
payement de ses debtes.


X V I I.

Le depost, le gage, la marchandise
trouuee en nature dont le prix qui se
deuoit payer est encores deu, ny autres
debtes priuilegees, ne sont tenus venir
à contribution, ains ont droit de pre-
ference.

X V I I I.

XVIII.

Toutes appretiations de bleds, vins
bois, & autres choses, se doiuent faire
sur le registre du rapport qui s'en faict
en Iustice, & selon l'estimation com-
mune de l'annee qu'elles estoient deuës.
Mais les moissons & rentes foncieres
en grain deuës à certain iour & lieu se-
ront apprecies au plus haut prix qu'el-
les ont valu en l'an, depuis le iour que le
payment en deust estre faict.



L I V R E V.

D'Actions. T I L T R E I.

TO V T E S actions sont de bonne
foy.

I I.

Par la Coustume generale de France
tous adiournemens doiuent estre faicts
à personne ou domicile.

III.

Adiournement à trois briebs iours se font de trois iours en trois iours. Ad-iournement à trois iours francs , de cinq en cinq iours. Et quand ils se font à huiétaine ou quinzaine , les premier & dernier iours ne sont contez que pour vn.

IV.

Les choses vallent bien peu si elle ne vallent le demander.

V.

Pour peu de choses peu de plaid.

VI.

Peu de chose est quand il n'est question que de dix liures.

VII.

Si vne demande ne passe vingt sols, iour de conseil n'en estoit octroyé.

VIII.

Fautes vallent exploicts.

IX.

Qui prend guarantie, doit laisser son

iuge, & l'aller prendre deuant celuy où le plaid est.

X.

Qui tire à garend, & garend n'a, sa cause perdue a.

XI.

En Cour souueraine on plaide à toutes fins.

XII.

Le rescindant, & le rescisoir sont accumulables.

De Barres & Exceptions.

TITRE II.

I.

Qui de barres se veut ayder, doit commencer aux declinatoires, puis venir aux dilatoires, & finalement aux peremptoires: & si la derniere met deuant, ne s'aydera des premieres.

II.

Reconuention n'a point de lieu, fors

de la meisme chose dont le plaide est.

III.

Vne debte n'empesche point l'autre.

IV.

Compensation n'a lieu si la debte qu'on veut compenser n'est liquide: & par escript.

V.

Voyes de nullité n'ont point de lieu.

VI.

Exception d'argent non nombre n'a point de lieu.

VII.

Exception de vice de litige n'a lieu.

VIII.

Exception d'excommunication n'a point de lieu en Court laye.

De Prescriptions. TILTRE III.

I.

PAR l'Ordonnance du Roy Louys douzieme, gens de mestier ne peu-

uent demander leurs ouurages apres fix mois, ny les marchands le prix de leurs marchandises apres vn an.

I. I.

Toutes actions d'iniures, de loüages de seruiteurs, de dommage de bestes, de payement de tailles, impôts, billets, guets, fourrages, foyages, vietrages, detaux & amendes, à faute d'auoir moulu ou cuit en moulins & fours bannaux, sont tolluës par an & iour.

I. I. I.

Messire Pierre de Fontaines escript, que barres ou exceptions de force, de peur, de tricherie, ne duroient qu'vn an, par l'ancien vsage de la France.

I. M. V.

Auiourd'huy toutes rescissions de cōtraicts faiets en minorité, ou autrement indeuëment, se doivent intenter dedans dix ans de la minorité, ou du legitime empeschement cessant, suivant les Ordonnances des Roys Louis douzieme, & François premier.

Prescription d'heritage, ou autre

droict reel s'acquiert par iouissance de dix ans entre presens, & vingt ans contre absens aagez & nō priuilegiez, auec tiltre & bonne foy: & sans tiltre, par trente ans.

Prescription d'heritage, ou autre

VI.
Ceux qui sont demeurans en diuers bailliages Royaux, sont tenus pour absens.

VII.

Prescription de dix, vingt ans, ny de trente ans, ne court contre les pupils, ny en effect contre les mineurs, en estans releuez tout aussi tost qu'ils le requierent.

VIII.

L'action personnelle, & toute faculté de pouuoir rachepter chose vendue ne se prescrit que par trente ans, ores que ces mots, *toties quoties* y fussent suiuant l'aduis de l'Aduocat Dix hommes, qui a esté suiui par les Arrests.

I X.

L'action hypothecaire se prescript par vn tiers par dix ans entre presens & vingt ans entre absens, avec titre & bonne foy, & sans titre par trente ans, & par le debteur ou son heritier, ou par vn creancier posterieur, tant comme le debteur commun vit, par quarante ans.

X.

Toute prescription annale, ou moindre coustumiere, court contre les absens & mineurs, sans esperance de restitution.

X I.

Contre l'Eglise n'y a prescription que de quarante ans, par les Ordonnances du Roy Charles le Grand, & de Louis son fils, conformement aux constitutions de leurs predecesseurs Empereurs.

X I I.

En nouueaux acquets faiçts par gens d'Eglise ils ne sont non plus priuilegiez que les lais.

X I I I.

Si dedans l'an & iour de l'approba-

tion faicte de leur contract, ils ne sont
sommenez d'en vuider leurs mains, ils n'y
peuvent plus estre contraincts.

XIII.

Et par trente ans ils en prescriuent l'in-
dennité, & le droict d'amortissement
par cent ans.

XV.

Car contre le Roy n'y a prescription
que de cent ans, Qui est ce qu'on dit
communement, Quia mangé l'oye du
Roy, cent ans apres en rend la plume.

XVI.

Possession centenaire & immémoriale
vaut tiltre.

XVII.

Toutefois en exemption ou possession
de grosses dixmes pretendues par per-
sonnes layes, faut alleguer tiltre aupara-
vant le Concile de Latran, & prouver la
possession immémoriale.

XVIII.

Mais la qualité & quotité d'icelles se

peut par eux prescrire par quarante ans, suivant la Philippine.

X I X.

Possesseur de malle-foy ne peut prescrire.

X X.

Toutes les choses des Croisez sont en protection de sainte Eglise, & demeurent entieres & paisibles iusques à leur repaire, ou qu'on soit certain de leur mort.

X X I.

En doüaire & autres actions qui ne sont encores nees, le temps de la prescription ne commence à courir que du iour que l'action est ouuerte.

X X I I.

Entreprises qui se font dessus ou dessous rue publique ne se prescriuent iamais.

X X I I I.

Le vassal ne prescrit contre son seigneur, ny le seigneur contre son vassal.

X X I V.

Le cens & la directe sont aussi imprescriptibles.

XXV.

Mais ils se peuuent prescrire par vn seigneur contre l'autre, par trenteans, & contre l'Eglise par quarante.

XXVI.

Veuës & esgouls n'acquierent point de prescription sans tiltre.

XXVII.

Souffrance & accoustumance est deheritance.

XXVIII.

En toutes choses indiuisibles l'interruption faicte contre l'un profite contre tous.

XXIX.

Ancienneté a auctorité.

De Possession, Saisine, complainte, ou cas de nouuelleié, sequestre, recreance, & maintenue. TIT. IV.

I.

POSSSESSION vaut moult en France, encores qu'il y ayt du droict de propriété entrecinellé.

II.

En toutes saisines, le possesseur est de

meilleure condition & pource, *Qui possidet & contendit, Deum tentat & offendit.*

III.

Le viager conserue la possession du propriétaire.

IIII.

Tout possesseur de bonne foy faict les fructs siens.

V.

Il ne prend saisine qui ne veut.

VI.

Apprehension de faict equipolle à saisine.

VII.

Dessaisine & saisine faicte en presence de Notaires & de tesmoins vaut, & equipolle à tradition & deliurance de possession.

VIII.

Toutesfois l'on ne peut acquerir yraye saisine en fief sans foy, ou assentement du seigneur.

IX.

Iouissance de dix ans vaut saisine

X.

Qui a iouy par an & iour d'aucune cho-

se réelle, ou droict immobiliaire, par soy, ou son predecesseur *non vi, non clam, non precario*, en a acquis la saisine & possession, & peut former complainte dans l'an & iour du trouble à luy faict.

XI.

En cas de nouuelleté se faut bien garder de dire qu'on ait esté spolié, mais simplement troublé, ou de jetté de sa possession par force.

XII.

Trouble s'entend non seulement par voye de faict, mais aussi par denegation iudiciaire.

XIII.

Au Roy ou à ses Baillifs & Seneschaux appartient, par preuention, la cognoissance des complaints de nouuelleté en chose prophane, & priuatiuement à tous autres iuges, en matiere beneficiale, par recognoissance mesme des Papes de Rome.

XIV.

En complainte de nouuelleté y a amende enuers le Roy, & la partie.

XV.

Pour simples meubles on ne peut intenter complainte, mais en iceux eschet adueu & contre adueu.

XVI.

Pource les executeurs de testament ne peuuent former complainte.

XVII.

Succeſſion vniuerſelle de meubles, & generalement toutes choses qui ont nature d'heritages ou de droict vniuerſel cheent en complainte.

XVIII.

Ceſſation, contradiction, & oppoſition valent trouble de faict.

XIX.

Cas ſur cas, ou Main ſur main, n'a point de lieu, ains ſe fait pouruoir par oppoſition.

XX.

L'on dict vulgairement qu'entre le Roy, le ſeigneur & le ſubiect, ou vaſſal n'y a point de nouuellete.

XXI.

De chose qui touche delict ne ſe peut

dire aucun enfaïné, & ne fait à ouyr en
complainte, ne par vsagé, ne par cou-
stume. XXII.

Veüe a lieu en simple faïne, mais
non en cas de nouuelleté. Car l'oppo-
sition quel'on y forme vaut veüe.

XXIII.

Qui chet en la nouuelleté, pour n'auoir
iouy an & iour auparauant le trouble,
peut intenter le cas de simple faïne.

XXIV.

En simple faïne ne se faict aucun re-
stablissement, ains vn simple adiourne-
ment : & n'y a lieu de recreance, ny se-
questre. XXV.

Celuy qui verifie sa iouyssance par dix
ans, ou la plus grande partie d'iceux au-
parauant l'an du trouble, recouure par
le cas de simple faïne la possession qu'il
auoit perduë. XXVI.

En simple faïne les vieux exploicts
vallent mieux : en cas de nouuelleté, les
nouveaux ou modernes.

XXVII.

Car la recreance s'adiuge à celuy qui prouue sa derniere possession par an & iour, & qui a le plus apparent droict.

XXVIII.

Si le creancier pert la maintenuë, il doit rendre & restablir les fruiets.

XXIX.

Quand les preuues des possessions sont incertaines, où y a crainte que l'on ne vienne aux mains, la complainte est fournie, & les choses cõtentieuses sequestrees.

XXX.

Sequestre garde, & la main de Iustice ne delaisit & ne preiudicie à personne.

De Preuues, & Reproches. Tit. V.

I.

Il y a aux prouerbes ruraux, que Fol est qui se met en enqueste.

II.

Ouyr dire va par ville, & En vn muy de cuider, n'y a point plein poing de sça-

voir.

III.

Seel authentique fait foy par les Cou-
stumes.

IV.

Tesmoings passent lettres.

V.

Les plus vieux tiltres ne sont pas les
meilleurs.

VI.

Les sergens, messiers, & forestiers, sont
creus de leurs prises & rapports iusques à
cinq sols.

VII.

A face hardie vne preuue ne nuit.

VIII.

Vne fois n'est pas coustume.

IX.

Coustume se doit verifier par deux
tourbes, & chacune d'icelles par dix tes-
moins.

X.

Reproches generaux ne sont admis,
non plus que de familier, amy, & serui-
teur, s'il n'est domestique & ordinaire.

XI.

Faiets de reproches d'estre larron, par-
lure, infame, rauisseur, & autres crimes, ne
sont

sont receus, s'il n'y a eu sentence ou composition. XII.

Pauvreté n'est pas vice, mais en grande pauvreté n'y a pas grande loyauté.

XIII.

En matiere criminelle les reproches demeurent à l'arbitrage des Iuges.

XIV.

Reprobatoires de reprobatoires ne sont receus.



LIVRE VI.

De Crimes & Gages de bataille. TITRE I.

I.

EN demande de delict n'estchet iour de conseil. II.

Voyes de faict sont defendues. III.

IV.

La volonté est reputée pour le faict. V.

VI.

Tel ruide ferir qui tue. VII.

V.

Assez escorche qui le pied tient.

VI.

Il ne se donne plus treu ny paix entre les subiects du Roy : mais on les met en assurance & sauue-garde.

VII.

Sauue-garde n'est pas enfrainte par parole, mais par faict.

VIII.

Tous delicts sont personnels, & en crime n'y a point de garend.

IX.

Encores qu'en tous crimes nous ne poursuivions que nostre interest ciuil, sans qu'il soit besoing d'aucune inscription, si la gardôs nous en crime de faux.

X.

Qui s'enfuit, ou brise la prison estant du cas atteint, s'en rend coupable, & quasi conuaincu.

XI.

Vn malade blessé ne se lairra pas visi-

tera au mire ou barbier, si celuy qui a faict le delict n'est prisonnier.

XII.

On ne peut tenir le corps & les biens.

XIII.

Tout prisonnier se doit nourrir à ses despens s'il a de quoy : sinon le Roy ou le haut iusticier en crime, & pour debt civile, sa partie.

XIV.

Tous vilains cas sont reñiables.

XV.

L'on tient maintenant que le cas privilegeié attraict à soy le delict commun : ce qui n'auoit point de lieu iadis.

XVI.

L'on ne peut accuser vne femme d'adultere, si son mary ne s'en plaint, ou qu'il en soit le maquereau.

XVII.

Il est larron qui larron emble.

XVIII.

Encores que n'ier ne soit larrecin, si est-ce de larrecin.

XIX.

Pour larrecin n'eschet gage de bataille.

XX.

Ny pour autre crime où il n'eschet peine de mort.

XXI.

En faict de bataille le defendeur est tenu de confesser, ou nier le fait, dès le mesme iour qu'il reçoit le cartel.

XXII.

L'appellé en combat a le choix des armes & de la forme du combat.

XXIII.

En France personne n'est tenu prendre, ny bailler champion, quoy que l'Empereur Frideric ayt ordonné le contraire.

XXIV.

Ny de combattre avant vingt & vn an de son aage.

XXV.

Qui ne combat quand la bataille est assignée & iustée es mains du Prince, pert les armes, & est tenu pour vaincu.

X X V I.

Et si le demandeur ne rend le deffen-
deur vaincu dans le Soleil couché, le de-
mandeur pert sa cause.

X X V I I.

Le desintenter & offre de combat sauve
l'honneur a celuy qui est taxé de trahison.

X X V I I I.

Le mort a le tort, & le batu paye l'a-
mende.

X X I X.

Maintenant toutes guerres & com-
bats sont deffendus, & n'y a que le Roy
qui en puisse ordonner.

X X X.

La peine du vaincu estoit la mort, ou
mutilation de membres: mais la loy de
Tallion fut pour ce regard introduite,
par l'establissement du Roy Philippes
Auguste, tant contre l'appellant que
l'appellé.

De Peines & Amendes. TILTRE II.

I.

Les amendes & peines coustumieres
ne sont à l'arbitrage du iuge, les au-
tres si.

II.

La peine de Talion n'est point main-
tenant ordinaire en France.

III.

Toutes peines requierent declaration.

IV.

Le faict iuge l'homme.

V.

Qui faict la faute, il la boit.

VI.

Par compaignie on se faict pendre.

VII.

Pour faulx brisec y a amende de soi-
xante sols.

VIII.

Qui brise vne franchise brise toutes
les autres.

IX.

Infraction de sauue-garde & d'asseurance iuree par la coustume de France merite la hart.

X.

Feu Monsieur Marillac, Aduocat du Roy, souloit dire, que tout dol meritoit punition extraordinaire, & corporelle, ores qu'il fust traicté en matiere ciuile.

XI.

Les amendes des meslécs ou forfajets commis de nuict sont doubles.

XII.

Messire Pierre de Fontaines escriit que les actions penales n'ont point de lieu, & qu'on faict rendre les choses sans plus avec l'amende au Seigneur. Qui est ce qu'on dit: A tout messaiet n'eschet qu'amende.

XIII.

La longueur de la prison emporte vne partie de la peine, & ne confisque point les biens, ores que la punition en fust perpetuelle.

XIV.

Jamais on n'advance les verges dont on est battu.

XV.

La peine du fouët infame.

XVI.

Il n'est pas fouetté qui veut : Car qui ne peut payer en argent, le paye en son corps.

XVII.

L'homme qui se met à mort par desespoir confisque envers son Seigneur.

XVIII.

Le corps du desesperé est traîné à la Justice, comme convaincu & condamné.

XIX.

Qui confisque le corps, confisque les biens.

XX.

La confiscation des meubles appartient au seigneur duquel le confisqué est couchant & levant, & des immeubles aux seigneurs hauts iusticiers des lieux où ils sont assis.

X X I.

Sinon que ce fust pour crime de leze-Majesté, ou le Roy prend tout : ou de fief, auquel le seigneur prend ce qui est en son fief, ores qu'il n'eust iustice.

X X I I.

Crimes feudaux sont felonnie, ou faux adueu à escient.

X X I I I.

L'homme condamné aux galeres, ou banny à perpetuité, ou a plus de dix ans confisque ses biens, & ne peut succeder.

X X I V.

Le seigneur iuvra des biens appartenans par vsufruit à son subiect condamné, tant que le condamné viura.

X X V.

Pour le meffaiet de l'homme, ne perdent la femme ny les enfans leurs douaire & autres biens.

X X V I.

Ny elle sa part des meübles & acquets de son mary, par l'aduis de Maistre Char-

les du Moulin, suiuy contre les anciennes
 Coustumes de la France: Conformement
 au priuilege octroyé aux Parisiens, en
 l'an 1431.

XXVII.

Femme mariee condamnée, ne con-
 fisque que ses propres, & non la part
 qu'elle auroit aux meubles & acquests.

XXVIII.

En crimes qui meritent la mort, le vil-
 lain sera pendu, & le noble decapité.

XXIX.

Toutesfois où le noble seroit conuain-
 cu d'un villain cas, il sera puny comme
 villain.

XXX.

L'on disoit communement, Que les
 nobles payent soixante liures d'amende,
 où les non nobles payent soixante sols.

XXXI.

Mais en crimes les villains sont plus
 griefuement punis en leurs corps que les
 nobles.

XXXII.

Et où le villain perdrait la vie ou vn

membre de son corps, le noble perdra
l'honneur & responce en Cour.

XX XII I.

De toutes amendes estans en loy les
femmes n'en doiuent que la moitié.

XX X I V.

Mais les iniures faictes aux femmes se
punissent au double.

XX X V.

La plus grande peine & amende attire
& emporte la moindre.

De Jugements.

TITRE III.

I L plaide bel, qui plaid sans partie.

II.

Les cautions judiciaires n'ont point de
lieu entre les François.

III.

Messire Pierre de Fontaines dit, Que
nostre vsage ne faisoit rendre aucuns des-
pens de plaid: ce qui estoit aussi porté par
vne ancienne ordonnance du Roy saint

Louis : mais au lieu de ce y auoit amende aux hommes & à la Cour, & vne peine de la dixiesme partie de la chose contro- uersée, iusques à ce que par l'Ordonnan- ce du Roy Charles IV. dit le Bel : l'on a pratiqué le *victus victori*, du pays de droit escrit, & la peine dessusdite esté abolie.

III.

Comme depuis l'amende du fol appel a esté introduicte par l'Ordonnance du Roy François I. contre ceux du mesme pays.

V.

Le Roy, & les seigneurs en leurs iusti- ces, y plaident par leurs Procureurs.

VI.

Et n'y payent aucuns despens, ny n'en reçoient.

VII.

Deffaut ne se donne contre le Procu- reur du Roy.

VIII.

L'on souloit dire, De l'homme mort,

le plaid est mort : mais ceste disposition du droict Romain a esté corrigee par les Arrests, & l'ordonnance de l'an 539.

I X.

En petitoire ne gist prouision.

X.

Au rapport des iurez foy doit estre adioustee en ce qui est de leur art, s'il n'en est demandé amendement.

X I.

Les iuges doiuent iuger certainement & selon les choses alleguees & prouuees.

X I I.

Et ne peuuent estre pris à parties en leurs noms s'il n'y a dol, fraude ou concussion.

X I I I.

Sage est le Iuge qui escoute, & tard Iuge. Car de fol Iuge briefue sentence.

X I V.

Necessité n'a point de loy.

X V.

Par le droict ancien de la France le contumax perdoit sa cause bonne ou

mauvaise, civile ou criminelle. Aujourd'hui il faut justifier sa demande.

XVI.

Erreur de calcul ne passe jamais en force de chose jugée.

XVII.

J'ay souvent ouy dire à feu Monsieur l'Aduocat du Mesnil, Que les belles offres faisoient perdre les beaux procez.

XVIII.

Et à feu M. Brussard President aux Enquestes, Qu'au iugement d'un vil procez, il se falloit contenter de ce qui s'y trouuoit, sans y rechercher ou interloquer davantage.

XIX.

Une voix n'empesche point partage.

XX.

En matiere criminelle n'y a partage: ains passe le iugement à la plus douce opinion.

Des Appellations. TITRE IV.

I.

Les Sentences ne se peuent reformer
que par appel, & non par nullitez al-
legues contre icelles.

II.

Les appellations sont personnelles.

III.

Par la coustume du Royaume on de-
uoit appeller Illico, autrement on n'y
estoit iamais receu.

IV.

Les Iuges Royaux dont est appel ne
peuent estre prins à partie, s'il n'y a dol,
fraude, ou concussion.

V.

Les Iuges non Royaux sont tenus de
soutenir leur Iugé au peril de l'amende
sur eux, ou leur Seigneur.

VI.

Ceux qui ont failly en faict & en droict
doient aussi l'amende à la discretion de
la Cour.

V II.

En cause d'appelés pays Coustumiers on ne se pouuoit accorder sans lettres du Roy.

V III.

Le villain ne pouuoit fausser le iugement de son Baron, mais par l'establissement de la Cour de Paris, à Paris toutes appellations s'y peuuent releuer.

I X.

Toutes appellations ont effect suspensif & deuolutif, sinon que par l'ordonnance les iugemens soient executoires nonobstant oppositions ou appellations quelconques.

X.

Ce qui est irreparable en definitive, ne s'execute par prouision.

I X.

Siceluy qui est donné tuteur en appelle, il ne laisse d'en estre chargé pendant l'appel.

X I I.

Les appellations comme d'abus ont lieu quand il y a contrauention ou entreprise

prise contre les sainets decrets , libertez del'Eglise Gallicane , Arrests des Cours souueraines , Iurisdiction seculiere ou Ecclesiastique. Et tient-on qu'elles sont de l'inuention de Messire Pierre de Cugnieres, ores qu'elles semblent plus modernes.

XIII.

Le Iuge d'appel execute le iugement par luy donne ou confirme

*D'executions & Decrets. TITRE VI.***I.**

L'On ne commence iamais par execution ou saisie, si ce n'est en vertu d'un contract garantigie, iugement, ou chose priuilegiee. Car voyes de faict sont defendues.

II.

Et si n'eschet prouision, en ce qu'il seroit irreparable.

III.

Le mort execute le vif: & non le vif, le mort: c'est à dire, Que tout droict d'execution s'esteint avec la personne del'obligé ou condamne.

I V.

Par coustume & vsance gardee en Cour laye garnison se faict és mains du Sergét porteur de lettres passees sous seel Royal; nonobstant opposition: voire nonobstant l'appel, par l'ordonnance du Roy Charles V I I I. de l'an 1484.

V.

Lettres vne fois grossoïees, ne peuuent estre regrossoïees sans appeller la partie, & ordonnance de iustice.

V I.

Lettres Royaux & commissions ne sont valables, ny les iugemens executoirs, apres l'an & iour.

V I I.

Toutesfois prise de corps ne se suranne point, & s'execute nonobstant toutes appellations.

VIII.

De Presles & de Marcueil tiennent que celuy qui peut estre arresté par la loy & & priuilege de ville, est tenu d'y eslire domicile.

IX.

Ceux qui vont ou reuiennent de foires, iugement ou mandement du Roy ne peuuent estre arrestez pour debtes quoy qu'elles soient priuilegees.

X.

Le Roy ne plaide iamais deffaisy.

XI.

Saisie sur saisie ne vaut.

XII.

Les saisies sont annales, ou pour le plus triennales.

XIII.

Vn sergent est creu du contenu en son exploict, & de sa prise, iusques à cinq sols.

XIV.

Toute cognoissance de cause luy est defendue.

XV.

Vn decret adiugé, vaut des heritance.

XV.

Vn decret nettoye toutes hypotheques & droicts, fors les censuels & feudaux.

XVII.

Le poursuivant criees n'est garend de rien fors de solennitez d'icelles.

XVIII.

L'on se peut opposer sur le prix entre l'adiudication & le scellé.

XIX.

Tout achepteur, gardien, & depositeur des biens de iustice, & obligé pour chose iudiciaire, est contraignable par corps, sans qu'il puisse estre attermoyé, ny receu à faire cession.

XX.

Toutes debtes du Roy sont payables par corps.

XXI.

Rebuffe dit que l'on tient pour reigle en France, ce que plusieurs Coustumes

dient, Querespitsny cessions de biens,
n'ont lieu en debte denice & adiugee,
louage de maisons, moissons en grains
ou en deniers, debtes de mineurs contre
leurstuteurs, victuailles, serüice demer-
cenaires, & condennation d'interest
procedant de delict, & quelques autres.

De Tailles & coruees. TITRE VI.

I.

L Es tailles sont personnelles, & s'im-
posent au lieu du domicile, le sont
portant le foible.

II.

Le domicil' s'acquier par an & iour:
& se prend au lieu où l'on couche & leue
au iour saint Remy.


III.

Qui n'a ne peut, & où il n'y a que
prendre, le Roy pert son droict.

IV.

Besoing ou necessire n'a loy.

L. iiij



Pagination incorrecte — date incorrecte

NF Z 43-120-12

V.

Les collecteurs doiuent estre tenus de faire le mauuais bon

VI.

Coruees à la volonte sont limitees à douze l'annee, se doiuent faire d'un Solcil à l'autre : n'en peut on prendre plus de trois en un mois, & en diuerles sepmaines.

VII.

Noble n'est tenu de payer taille, ny faire viles coruees à son seigneur : mais le seruir en la guerre, & autres actes de noblesse.

VIII.

Coruees se doiuent faire aux despens de ceux qui les doiuent : sinon que l'on retienne les debteurs d'icelles pour le lendemain, auquel cas on les doit gister & nourrir.

IX.

Coruees, tailles, guets, gardes, & questes n'ont point de suite, ne tombent en arerages, & ne peuuent estre vendus ny transportez à autrui.

X.

En assiette de terre, coruee, ou peine de vilain n'est pour rien comptee.

V *Iue, Vale, & si quid nouisti rectius
 istis,
Candidus imperti, si non, his vtere mecum.*